消主

林氏選評名家文集

上海商務印書館發行

集



坡 轍。餺 鋒 此 集 何 不 者。 必 及 少 鐘 呂 中 居 而 若 東 以 文 仁 西 游 内 比 居 如 亭。·坡 東 之 仁 古 魏 轉。 東 稱 稱 色 也。 所 坡 景 響 坡。 少 然 其 之 斑 傳。 游。 楊 余 短 堅 不. 學 也。文。 爛。 及 之 西 覺 文 而 西 亭 字 選 實 恣 叉 心 不 望 漢 評 與 學 則 而 一說。枵。 洋 自 者。 學 淮 石 有 東 而 一皆 文 學 殆 檢。 坡 海 谷 東 直 歎。 綺 西 指 之 坡 趣 者。 殊 實 漢。 造 而 鎛 其 蒙 畫。之 蓋 非 則 ,而 而 鐘 能 狀 莊 世 酷 似 捫 靡。 者。韻。之 光。 似 說 人 盔 少 文。唯 多 石 廣 室。 皆 無 游 新 渺 而 話。 震 谷。若 策 爲 發 似 少 浩 淮 人 陳 論。東 露 是 則 亦、游。瀚 善 海 則 坡 無 而 此 中。之 之 。知 與 集 遺。非。其 詩 少 能 斥 東 中 西 刻 有 去 及 游 自 其 所 坡 漢 石 露 西 之 爲 無。 漢 之 詞。 谷 不 同 不 所 收 文。 及 叉 遠 而 而

1435180

束。東/ 軌

以

弔

矣。

藏

不

間也辛酉嘉平閩縣林紓識及其文亦一憾事故取以問世 淮 海 巢 選 序



世亦欲少游文章之光氣不沒於人。

官官法法人朋朋數 湯 寄 黄制 制律律 排 黨 二 泉 港 樓 下 上 鶴 賦 賦

淮海集選目錄

陳李石章盜盜兵謀辯將蹇慶慶元 贼贼法主士帥 論論 成下中上

海縣公先生簡

心說

陳偕傳

王朴論

魏景傳

奥黃蘇州簡

丹轉鐘文

遺瘧鬼人

與孫莘老學士簡與孫華老學士簡

與蘇子由著作簡

-

像氏夫人墓誌銘

李狀元慕誌銘

代祭韓康公文

曹輞川屬後

鲁王蝎事後文

高無俯跋尾

蘇壯愍劉公遺事

法帖通解序

漢章帝書

仲尼書 倉頡書

史籀李斯書

惨素 鍾繇書

背晉賢圖後

林氏選評名家文集

芝室記

送馮梓州序

送錢秀才序

闎神記

與喬希聖論黃連書

龍史記

與鮮于學士書

書關亭敍後

上呂晦叔書

謝王學

士書

謝曾子開書

7

黄樓賦 井引

今飛鳥 叉何 之所 方8 馬 中 制 前 央8 挾 於 識 im 存。 蘇公守彭城之 之所 光 士8 必 爭 列 暑以 平 前8 干 而 意 起。 土之色黄 羞慮 象問 天0作6 枚 Ш 而。 横 冬0 近° 而 以o 環遺o 時 出今干雲氣 差0 異。 觴 出 而 悵 酒 日。 之。 公分慰平日之憂勤緊大河之初。今交二水而旁奔岡陵奪其攫拏 故 明 所o 侮 醪 取名 人 思o 以 年既治河決之變民以更生又因 之。 然。 今? 爲 今。 螭 焉樓成使其客高郵秦觀 壽 而 喜今級 蜃 分。 Ŀ 壓之以。 旅 征。 過 既 殽 而 吸吸 TE 朋o 核 延。 弦。 月中 以 以有度 mo 爲 樓。 微 成。 時 精 不 詞o 誠 初· 拏 決· 今8 今又 **噫變故** 之所 可 既成之其詞: 以驟得兮姑從容以浮游。 次今在流漫而然 安新谷效其吐至 質兮幾孤常 |修繕其 洞 達而 之 相 記念 資傳 無旁。 日惟贵樓之穣瑋 城作黃樓於東門之上以爲水受 煽之不全 偷朝 吞勢 「斥丹腹」 稽。 天o 馬之 而 形勢之四 扶搖 忘 而 不御兮 更 時。 **像登** タ以 馳。 發 以東 兮冠雉堞之左 塞 臨 哀 昔 分識 爱取 之信 下兮。 彈o 昧 何 遠 負 與o 美多 今8 固 豪◎ 紛 諸 法 ifii

乎

雄

萬

何

而

遨 嬉8

世

造

物

之莫

部分

惟

元

元

之自貽將苦逸之有數兮疇工拙

之能爲

脸哲

息

吹o

知 非 故 今。 蹈 夷 險 而 皆 宜8 覛 妏 虻 Z 過 今日 曾 不 介 JE. 氽 冠之崔 境分服 氽 佩 之鬼 煌。 從 爲忽

於 斯 山我 多詩 樓 碧無 今8 石傑 聊 清句 裴 滑萬 回 景败 以 徜 流繇 脂英 祥8 朱隨 得子 蠟夫 故暗 爲子 人謝 奉屬 書詩 刻何 中云 細妙 有太 前 妙丽 黄臌 分電 樓以 套散 詞黃 盤雷 黃樓 佳推 棲賦 平 心 未辭 十寄 思8 易雜 丈作 識今 下詩 當古 建第 有中 五謝 丈我 來有 族 者屈 知宋 楚黃 姿 山樓 以上 贷欲 城作 泗贫 水棕

以詩

天 作 遺 公 何 不 是 說 樓 JF. 以 此 樓 塞 泂 患 後 始 成 枚 接 處 卽 承 起 河 泱 其 下 甗 猪 日

則 文 中 鑆 筆 也 哀 彈 豪吹 出 下 四 語 與 一級得 朱玉 乏精 華 自 是 才 人 極 錐

寄 老 庵 賦

或 問 孫 先生 之遊 湯 泉 Ш 也。 於 佛` 秱 松之下 誅 薙 草 茅。 平 夷 土 塗。 規 以爲 庵。

日

寄

老

焉子

阻。時 實從。 水 士 婉 與 見 mi 其 滋 息。 事。 風 願 揚 推 氣 丽 物 陳 之僕日 無 厲疫。 其 唯 出 唯。 寄 遊 老之區。 也。 南則 峯 在 於湯 樹 經 泉8 亙二 實惟 百 餘 歷 里; 陽 前 束 城之域。 望建 業之都 山 林 鬰 卻 風 項

王 之亭。 龍窟 呀o ito 旁● 出o和 江 漫。平8 漫。 而。 ′徂0 征o 東 則 惠齊 填 相8 刹 相 浪•望。 殿 癡 中 開8 四 进 脩 廊8 開從 游 子。 於

焉 相 羊。 沈 燎 茗飲8 樂 未 渠 央8 西 則 赭落 之前8 三井 天出8 幽 毖o 白0 朋 晦o 如。 旁輸 有 解3 上庇 有 室。 解

衣 及 鄰 國8 游8 其 百疾 入 居心。 爲 失8 北 則 閉 則 關 瓦 梁 卻 棉。 之 河。 反聽 陰 陵 收 之澤。 親8 內 外 水 既進。 潦 之所 爽 聚 妙 會。 自 會 魚 湖乎岩 鼈之 所 <u>∓</u>o 充 淵o 压8 夾菱蒲 之o 澄o 枵 然 o 韓8 如 毛 髮 槁 之富 林氏選評名家交集

其游也。 政公卿大夫設祖道 納日不遑給雖欲復從二三子於寄老之上未可得也一旦功成事舉引老乞身天子憫之不煩以。 其居也 無所適而 供張於國門之外酒関升車望寄老而歸焉則僕也亦將負杖履而從之矣 非道者世奚足以識之哉雖然先生方爲侍從之臣充諫諍之官論 思 獻

末句見微旨

湯泉賦

潭謝婺取之遊其餘酒 **鳍陰投羽必沈火井萃陽爛石灼金祥標體泉病飲而瘳異紀滋穴神漢以流焦溪乏胃蔓之飾沸。。** 氣散越膚革瘡瘍憊筋淫血欣瀄汨之蹔遊怳幽憂之隱脫以沐則髮澤以頹則膚悅其羨流冗浸。 硫金石之氣酷悍之所激耶德有常仁惠公而狹寒凝海兮不冰旱焦山兮不竭其或燥濕外干精。 嗚呼豈非熒惑莅於上耶燭龍隱於中耶旁通 咸池日御之所經耶幽精沈魄陰償其負耶丹砂 狀為魚目鱗介莫潛遇者斯浴此何水也哉野老告余曰泓泓涓涓莫虞歲年不火而燠其名湯泉 捐棄於滯壑者猶能灌蔬稻之畦已牛馬之暍此又何其然耶吾聞天下之水厥類實繁至於弱水 大江之濱東城之野有泉出焉直回峯負深谷分與引源迤邐相屬晨夜有聲涵雲注玉薄爲虎鬚 墨所發膠鹽是滋啜懷千金飲狂 一國真玉乳以中涵橫金絲而 巡度詭品 黄

終名紛莫爲數 咸受命於元精 亦各私其所 遇若夫匡廬汝水之旁尉氏驟 山 之下8 煙非 掩 褥8 王

鳥 隼 之所娛。 金穴椒房專寵靡曼之所占則 湯泉 之中又有照 願 晦 者焉8 野老\然 而 笑曰。 善乎

之士曳杖而去行歌於塗日滭沸 滂沱奮 此 泉兮被彼 山 阿吾唯灌 沐兮。 不 知 其他。

子瞻跋云余之所聞禓泉七其五則今三子之所遊。 與 大虛之所賦所 謂 匡 廬 汝 水。 尉氏 駳 山。 共

則 余之所見鳳翔之駱谷與渝州之陳氏山居也 **增棄於窮山之中山僧野** 八之所浴。 廃 ル 猿

集之所飲惟驪山當往來之衝華堂主整獨為勝絕然坐明皇之累為楊李祿 《山所汙使》 口舌之

士援筆睡罵以爲亡國之餘辱孰甚焉今惠濟之泉獨爲三子詠歎如此豈非所寄僻遠。 不爲當

塗者所溷而爲高 人逸才與世異趣者之所樂乎或曰明皇之累楊李祿山之汙泉豈知汙之然

则 幽 遠僻陋之歎亦非泉之病也泉固無所榮辱特以人意推之可以爲抱器適用而不擇所處

者之戒元豐元年十月五日。

光怪 陸離中 音調諧婉 直 一逼蕭潁· 士 非李 華 所 及

一歎 、赋

廣陵 郡宅之圃有二鹤焉昂然如 人處平幽閒翅翮摧傷而弗能飛翻。 雖雌雄之相從常 悒悒 其鮮

孫

悲%而蒙巾。 又豈 懽。 是。臣 常。 甚 則 膯 彼有 頗 於 飛 道。 時 翻 姻敬愈於客如愛子之居 治清 引 則 衛侯之能好而支遁之可 超 鳴 朋 朋 搖 乎 啄乎廣莫之野飲於清冷之淵。 黨 育 歷 吭 黨 階 道 子。 者。 下若不勝 而 而 得 上 從之先故鶴之來 小。 君 戺 自 m 哀 · 唳岩對客 忘 得速公之去於今幾時。 而 育。 必 遭壓惟主人之故客間 小 既不 其 至。 人 慨 所 兩。 耽乎 m 不 永嘆。 廢• 免 家若寵 也。 豆 或o也。 憐 觴又不 则 圃 哉。 至0人 更告予日。 知 於。 主 使君之 兩。御 隨 人 臣 八各有好鶴 之在國。 噌 存0 羣 林 平 匏 絃 惟 君子小人兩路 遇而 邱 將 之病。 此 而 文鶴誰汝私 具名物於有司雞國 登從乎風亭之濱夜棲乎月 送咨余聞下 至。 紫薇錢公之鹤 止 息。 一鹤之往 此二 順 嫉 風氣 廢 一鶴。與 也。 `兩 朋 而 則 存8黨。 m 嘆 、之周 腾霧一鳴· 暗霧一鳴· 也。 知使 則 務 公熙寧時。 小0辨。 君之將還。 旋居 人。那。 卒• 正。 月臺 九皋聲聞 雞鶩 則 特 得o而o 實守 俯 志o已。 m 而 邪 仰於賓椽之後。 生者8 易 之侧。 是時 此 丽

失其所

侍

則

於

天若然者。

謂

此

元幸之可

郡之人。

好

出

侮

之。傍

軒

邦。

心

虚

而

何 則。嫉。 君 子 道 自 知 明。於中 偸 爲 切之計。 小人投資 抵 戲。 無 所 不 歪 也。 臣 請 以 易 君0 正0 道。 子0 不0 終9 辨0 與 受。而嗣。 夫堯 矣 黨。

通 唐與之事明之易以陽爲君子陰爲小人一陽之生則爲復復者反本也三陽用 之時也。 而 Ŧī. 陽之極則爲夬夬者剛決柔也以此見君子之道必得其類然後能 事 勝 則爲秦泰者亨 沙小 人 也。 陰

下也。 之生 以此 則 爲 姤姤 見小人之道亦 者柔遇剛 必得其類然後能 也三陰用事 則 為否否者閉密 勝 君子也陰陽 塞之時也而 相 與 消長而 五. 一陰之極 爲慘舒爲生殺君子小人。 則 爲 刻刻者窮: 上 反

相 與勝 負。 而 為盛衰為治鼠然皆以 類 心臣故曰朋 海 漢 渚 君 子 · 小人所 不免 也堯之時有 八元八

凱十六族 者舉十六日 相。 者。 去 君子之黨 四 凶 ता 兩廢之亦不聞以 凶族 者。 其朋黨 小 人之黨也舜之佐堯有大 ifii 兩存之也 臣 故 日。 八功二十 主御

奉臣 之術。 不務。 嫉。 朋黨。 鉤黨之獄海內 塗炭二十餘年蓋始於 周 福 房 植。 謂 之

甘陵南: 北 部。 至 於李膺 陳 蕃 王楊張 儉之徙遂有三 君八顧八俊八及八 廚之號人主不復 察 其 邪

正。 惟 知 震 怒而 已故曹 節侯 覧牢 修 朱並。 得以始終表裏成其奸謀至於刑章 討 捕。 錮及五 族。 死 徒

廢 者六七百 人卒不知 修並者 乃節覽之黨也唐室 之季朋黨相軋四十餘 年。 **措納之**嗣 不解。

閔之黨也李紳韋處厚之屬則德裕之黨也而逢吉之黨又有八關十六子之名人主不復察其邪 於 李宗 閔李 德 裕二 人而 已嫌怨既結。 各有 植立。 根本牢甚互相傾擠牛僧 孺李逢吉之屬。 則宗

易去此朋黨難而其徒亦曰左右佩劍彼此相笑蓋言未知孰是也其 爲二人之黨而 **是嫉則君子** 逐去之至於人人駭慄連 小人必至於兩廢或至於兩存君子 月影 晦卒不 後李訓

知。

殘殺爲生業舉族皆能戰 小 人得 罪 君子 君子 雖 有 中 權 華文勝 不 之較也君子 言戰非 其匹 取 怨 也 小 文決 人 小 小 人 ģp 人卒得志千古不刋 無 權 亦 必 報復猶之胡 之論 行

尤警 醒 動 人

與

訓。

注

E.

朋 黨

制。 輒 而 而 臣 起。聚 **参侍從者雖古版築飯**: 聞 爲 ifii 小 陛 朋 於本朝。 黨之畿 下即 人。 切指 位以來虛懷仄席博採公論。 夫衆賢聚於本朝小人之所深不 起 焉臣 以 爲 黨又至於三君八顧八俊八及八廚之名八關十六子之號巧為標 聞 以牛之遇不過 比日以 來此風尤甚。 如 此 悉引天下名士與之經綸至有去散 而已君子得時。 漸不 利。 可長自 也。 是以日夜悔悔。 7則其類自己 執政從官臺閣省寺之臣。 至數年之間。 作為無當不 地 而執約 根眩惑 衆賢彈 凡被 衡。 冠。 榜。 進 誣 起謫 公肆 問之 用 相 者。 繼 籍

林氏選許名家文集

綠

詆 欺。 一人名之於前。 萬人實之於 後。傳 日下輕 其 Ŀ 一舒賤人 圖 柄臣。 則國家搖 動。而 人不静 也。 然 則

其可 以不察敷臣聞慶曆中仁祖銳於 水 治始 川韓 琦富弼 范 仲 淹。 以 為執 政 從官。 又權 尹 洙 歐 陽

修余靖 蔡襄之徒列於臺閣。 小人 不勝其憤逐 以朋黨之議 陷之琦两 仲 淹 等。 果皆罷 去。 是時 天

義 士。 ·扼腕切齒。 髮上 衝冠。 而小人 至於舉 酒 相 屬以爲一網盡矣賴天子明聖察見 其事。 琦朔 仲淹

等旋被不够。 擢復蒙器使途使 得成其功名今所 謂元 老大儒 社稷之臣想望風采而 。。 不可 見者 皆當

斥而 不反則 彼數人者皆為。

理。 舉之事。 今日之勢蓋亦無異於此臣願陛下。 觀易道消長之 〈益急。

盃 堅。 稽帝虞廢 M 信賢益篤使姦邪情得而 鑒漢 唐 審聽之失法仁祖 無所 售 其謀讒佞氣 察見之明杜媒蘗之端室中傷之隙求賢 索。 無所啟其口則今之所謂黨人者後世 用賢

必 爲 元 老 大儒 **社稷之臣者矣**。

此 非 論 體 直 是一 篇辯 證 之書 明 白 曉 暢 極 矣

人材

聞 天下之材。 有成材者有奇材者有散材者有不材者器識宏而風節勵問學博而 治行 純。 通當

已此散材者 棟。路 不足以任能事不材者適足以敗事 寨之而已四者各有所處然而奇材者尤人主所宜深惜者也蓋天下之人材不世出。 哉以臣觀之未能深惜天下之奇材故也蓋不深惜天下之奇材則用之或違其長取之將實 家之人材可謂富矣養之以學校而取之以貢舉名在仕版無慮數萬然一旦有事。 於間里。 公為機构。 之務。 將與不材 成材則付以大任。 八 圍。 艧之楹七圍八圍 明道德之歸此成材者也經術藝文吏方將略卓然過人數等而不能飾小行矜小廉。 操把而上特以多節小橈之故途幷棄之豈不惜哉人主用天下之材亦 甚 此 歷落頴脫魁倫之士執事者始以名聞未及試之而媒蘗其短者固已國視 奇材者也隨羣而入逐隊 短則以爲侏儒至於棭備軸解函沈而易蠹者然後以之爨也今有楩楠 同 也。 事聞見暗機會乖物 棄而會散材之不如矣。天匠氏之於木也楩楠豫章易直而十圍者必以爲明 而備貴之於奇材則隨所長而器使之於散材則 一者雖多節必以爲高明之麗拱把一 理味人情。 而已是則任天下之大事者常取乎奇材有奇材 而趨旣無善最之可記又無顯過之可絕攝空承乏取。 執百有司之事。 而上者雖小橈必以爲狙 無一施而 明 賞問 可。此

則

以

圍

何以異於

ルルク國

豫章

於

此。

則常若乏人何

猫技之代。

稍

修

則

堂之

託

世

於

不材

堵也古之人主

位

而磨礪之於不才則

而散材

者又

而

不深

借焉。

而

起矣夫奇

其備。

材多自重又不材者之所 甚嫉也以自重之勢而被甚嫉之毀其求免也豈不難哉一旦有事。 M

岩乏人其勢之使然。 無足恠也昔孟公綽爲趙魏老則優不可以爲滕辞大夫裨鵲能謀。 於 野 則

於邑則否黃霸爲丞相。 功名損於治郡時人固有所長亦有所短也臯 陶暗 而爲 大理。 下 無虛 刑。

師曠瞽而爲太宰晉國無亂政賢如蕭何而: 有市田 請地之汙直 如汲黯而有福心忿爲之鄙。 文如

長卿而有臨邛滌器之陋將如韓信。 而有胯下蒲伏之辱吏如張敞而 有便 面拊馬之事此 製子者。

貴其 備 則彼將老於耒耜之旁死於大山龕巖之下耳人主豈得而用之陛下卽位 以來屢下明詔。

下。 舉監官御史臺閣學校之臣刺史牧民之吏與夫可備十科之選者所得人材蓋一 取 其名 實尤異者用之而 不疑人情不能 無小過非有顯惡犯大義所當免者 不可 宜一 切 勝 數臣 置 而 不問8 願

以資 異 時之功則彼將輸瀝肝膽。 捐委軀命求報朝廷而 "不可得" 旦有天下 四夷 之事。 之事。 何足 忠哉8

文即 勿以 寸朽棄連抱之材意 推開 而 辯明之讀之頗有英爽之氣

法律上

柄。 大抵不 觀唐 過詩書法律二端而已蓋純用詩書者三代也純用法律者秦也詩書法律雜 虞以 後有天下 者安危榮 辱之所 從。 長久函絕之所自。 無 不出 於其所任 之旃。 舉而 III 所 业品。 任

學 其 主之法唐自太宗訓封倫秦漢之論用 而 日。 **欺文致細徼之事晚節末路至於焚書坑儒**。 械。 而 著。 亦 純 夕從事者一出於律令格式之文故曰詩書法律雜 以三章之約不足禦姦於是蕭何攟摭秦法作律九章而張揚趙禹之徒又爲 純用法律 相 並 用 选相 用詩書。 一詩書者 皆鞭笞斬艾人之所惡欲以報所惡之讎者也以所惡之術報所惡之讎亦 之師李悝論次諸國之法著為法經其徒商鞅用以相秦始作收司連坐告匿之法。 出於義理之文其迹載於典謨訓告誓命之篇。 本末遞爲名實者漢唐也何以知其然也夏商之與也治教政令旣本於道德之意。 而百家之說熄帝王之制舉而霸者之事廢議事以制不爲刑辟故曰。 所以崇德其事皆孝弟忠信人之所欲者也而安榮長久人之所欲者也。 本末遞爲名實故漢唐之有天下雖號長久而安榮之日少危辱之日多僅 者秦也漢自高祖納陸賈之言命爲新語用叔孫通之說而以 故三代享國安榮而歷年長久惟其純用法律故秦危辱 魏公帝王 偶語者樂市以是古非个者族吏見知不 之謀。 而 舉而 可謂 其旨寓於國風雅碩之什當是時也。 知 並 用选相本 取 含矣。 m 呵 末遞爲名實者。 朝廷 **亟絕惟其詩書** 使定禮儀可謂. 「純用詩 那

縣。

百官

有司所

以

法律。

雜 舉

免亟

絕

而

漢唐

也。

惟

見

知

故

盤臨

部

縱。

知所

取矣。

書者三代也。

魏

丽

刑車器

小舉與同罪故

而輔以

詆

其理之然哉賈生

而

法

律

制姦。

淮

日。 个或言體義之不如法命教化之不如刑罰人主胡不引商周秦事以觀之也嗚呼若賈生者可

謂 知治體 矣。

此篇立論正

法 律

臣

為末而近世以法律為實持書為呂豆以己以此,而笑曰此老生之常談耳何所用於今哉嗚呼此風而笑曰此老生之常談耳何所用於今哉嗚呼此風 書不爲法律所勝而已祖宗之時二端雖號並行一 代之所以失 者莫非柱後惠文之事父教其子兄詔。 喜刑名精案牘者則衆指以爲俗吏而恥與之言近世則不然士大夫急於 廢詩 聞 法者欲其習為更心而假之太優擢之太峻至於黃綬中選數歲之間持斧仗節領。oo 古今異勢不可同日而語以今天下而欲純用詩書盡去法律則是腐儒不通之論 書 而從法 天下 ·也君子救之其可以緩耶臣嘗思之其所以然者 律。 為實詩書爲名臣以天下之大弊君子所宜奮不 則是舉天下 而 入 於申韓之術也楊子曰。 其弟以爲速化之術。 而士大夫頗自愛重以經術爲職文藝 一成非天下 無以 申 之福 過此。 韓之術不仁之 無他始 顧身 也蓋昔者以詩 間有引古義決嫌疑。 於試 功利不師古始。 丽 救之者。 至矣夫不欠 法 而 書爲本 已朝朝 無 一道之權氏 心要使詩 相 甚於 推。 仁 則 廷 相 問有 此。 法律 與 掩

則。

之關熄矣。 也且持此道歸堯舜君出為陳說之今天下所以未受其禍者以異制策進士所得之臣有如汲黯法吏言之則以為受所監臨矣朱博曰如太守漢吏奉三尺律令以從事耳亡奈生所言聖人道何 **毋得試法其餘出仕換官之類可一** 降漢長安賈人與市者當坐死者五百餘人而汲黯固爭以爲不可若使法更言之則必以爲闌出 子雖欲奮不顧身以救之亦無及已臣以爲縱未能盡罷其士宜稍變革以抑其風使更非有出身。 卓茂者在也十數年之後耆老大臣相繼殂謝而試法所得之吏有如朱博者當軸而處中焉則君 財物矣密人有告部亭長受其米肉遺者而卓茂折之以醴以爲汝能高飛遠走不在人間乎若使 法律也豈可得乎且法吏之與儒臣所聞異趣所見異塗猶方圓曲直之不相入也昔匈奴渾 二千石之重 而制策進 士留滯於州縣之官有十年而不得關者嗚呼欲士大夫之不廢詩 切試以經術藝文要令天下皆知法律之不如 《詩書心則: 那 丽

此篇決弊精

官制上

臣聞王者用人之要病。 惟 **養望而已歲月有等功勞有差天下莫得躐而進者謂之資行能術業卓。。。**

林氏選評名家文集

然 + 年 高 不 妙。 爲 得 調。 世 揚 所 子 推 雲位 者8 謂 之望。 不 過 侍 用 人以資 郎 之 類 是 而 已。 也。 則 用 盛德尊 人 以 望 行。 而 魁奇 已。 則 為偉 狂 繆 之流。 之人。 矯亢 或 拘 之士。 格 而 遭 或 以 回。 啟 如 名 張 釋 丽 2.

拔。 如 晉 用 王 一行。唐 用 房 琯 之類 是 也。 古 之善 用 人 者 不 然。 以資 待 天 下。 有0 常之士 以 望。 待日 天o _<u>F</u>@ 非。

之。 材。 使工 者 各 有 所 得8 足 以。 相。 推。 而 不。 足。 以。 相。 礙。 故 自 命 以 至 九 命。 自 受 職 以 至 作 牧。 非 有 功

遷。 非 有 缺 不 補。 而 天下 不 以 爲 淹。 或 舉 於耕。 或舉 於 版 築。 或舉 於 屠 釣。 加 之士 民之上。 委以

將

相

之

不

官。

爲

權。 而 天下不 以為 驟8 者資之所當 然望之所立 宜。 爾。 也。 國 家以 寄 祿 格。 爲 有 定 之制。 丽 以 職 事

不 次 之選於 光王 用資望之術。 可 謂 得 其 意 矣。 臣 愚 猶 以 爲 未 者。 太 必 於用資太不必 必 於 用 望也。

下。何 則。 政 教賞 夫郡 罰。 守 者。民 軍旅 之事。 之師 帥。 皆聽其 天子 所 與 ग् 否。 共 理 者 爲 是則 也。 衣 千里 冠 m 一蒙其 坐堂 賜。 皇之上則賓客 所 爲非。 則 數十 造 萬 調 於前。 人 受其 掾 害。 屬 趨 可 走於 謂 天

重 任 矣今將 相人 臣。 自朝 廷 而 出 者。 不 過 爲 郡 守而仕 爲 通 判 者。 荷 無 大 惡期 過。 有保 任

人。 亦 必 至 於 郡 守。 是將 相 大臣。 與保 任嘗 再 為通 判 者。 相 去 無 幾耳。 夫賢。 者能。 使所居官重 不 肖。

閣 反。 之今二 者 圖 書之府長 千石。 所 以 育英材之地 不 至 拿 重 難 也 從官 居 者。 於此 非特 乎 法 次 令 補。 使 然。 執 政 亦 於 其 此 人 平 材 遷升。 之所 致 故 士非 也。 學 非 術 太 必於 藝文吃然 用 資乎8 爲

守入爲三公學者以東觀爲老氏巖室道家蓬萊山言其清秘常人所不能到也願下明詔應中州 巳上非更臺省寺監漕刑之任者不得為郡守慎惜館閣之除以待文學之士則用人之術庶乎其 日唯名與器不可以假人此不幾於以名器而假諸人乎臣所謂太不必於用望者此也背漢制郡 時之望者莫得而居之可謂天下之妙選矣今中材凡吏一爲大臣之所論薦則皆得居其位皆有 金穀之職兵刑之勞則皆得假其名嗚呼比歲以來校暫正字之職龍圖集賢之號何其紛紛也。

以資望定入仕之途復能指出太用資望者之弊大有分風擘流之能力

官制下

數先皇帝惻然憫之始詔有司作寄祿格以易天下之官而歸之於臺省還之於寺監然後循名可愈 朝廷之官也而其汎及於州縣筦庫之吏其濫至於浮屠黃冠之師乖違之條爽繆之目至不可勝 臣聞國家次五代一切之制百官稱號最爲雜揉名存而器不設文具而質不應所謂臺省寺監者。 大夫以上遷進太略自中散大夫以下淸濁不分也遷進太略則大臣僥倖而其弊也至於無以復 知其器而綠實亦得其文可謂帝王之盛典矣然有所未盡者臣竊昧死而妄議焉向之則自正議

勢必至易極。 加。 遷。 其 而 兼侍從 法制 亂清濁一 易極則 之職 者。 不分則 國家慶賞將室而不得行此制官之深意也今寄祿 遷九遷其任執政之官猶六遷 小臣偸惰而其弊也。 至於莫爲之龍。 也蓋侍郎以 而資望 上皆天子之臣非 乖。 格則不 舊制 侍 然自 郎至 僕射。 多其 正議 凡十二 等級。 大 大夫。

問 人 之如 何。 遷而 至 特進放大臣 爲特進者遇朝廷 有大慶賞則不得已而 以司空之官予也。

司 官也寄祿 無已復加而予焉豈非所謂亂 法制之甚 」 敷 傷制 少卿之官率一 秩 而 有 四

名。 太 常光 禄衛 同尉司農是也的 郎官員外率一秩 m 有八 名如禮工祠 屯主 膳虞水之類是 足也京朝之

官。 異。 歷官之途有臺省寺監漕 率 秩 而 有三名如 太常秘書殿中 刑 郡 縣之殊。 諸 丞是也蓋? 非蛛蛛 而 較之色色而 入 (仕之門有制策進士明經諸科) 別之則 牛驥 同皂賢 不肖 任子 雑 泥 色之 殺。 而

天下 皆將 汎 R 然 偸取 一切。 不復淬勵激昂以功名爲己任。 此亦制官之深意 心心今寄祿 格 則 不 然。

自 中 散 大 夫以 下。 至承務 郎。 秩 為 名而 已故嘗任臺省之職或任漕刑之司者人 (心有所) 不 厭。 而

莫爲之寵。 則 往往 假 以 龍 圖 集賢 之號表 龍圖 集賢 之號所 以待天下文學之士 也。 而 以諸 吏 莫為

之龍 祿勉古之人有行之者蒙穀是也齊死生同貧富等貴 而 假 焉。豈 非 乖資望之甚 製蓋餌祿 常天下 之砥 石。 聖人所 賤古之人有行之者莊 以勵 世 磨 鈍 者 周是也今朝 也。 夫不 爲 餌 勒。不 廷之

韶有司以寄祿 臣。 三等之名如此則遷進頗詳而法制不亂淸濁稍異而資望不乖是亦先皇之志也惟 而 皆得非 不革 **一**茂晁錯曰8 周蒙穀而 再 倒 加論 者上之所命出於 為之則爵祿之器雖不復設可矣如其不然則遷進太略淸濁不分之弊安得 定稍放舊制自正議大夫以上更增四秩之號自中散大夫以下秩之號爲 口而 無窮韓 愈 曰聖君所行卽是故事自古豈有定制 陛下留神省 也。

痛論寄祿格之弊自是見到當日陞轉濫處然易極則國家慶賞窒而不行句語如

將帥

晉: 走是不在乎勢之強弱也穣苴之用於齊拔於閭伍之中也一日斬莊賈晉師罷。 惟 之望曹公不啻虎狼而吳兵捷於亦壁以玄德之視陸遜甚於雛殼而蜀師衂於白帝是不在乎敞 韓信之擊趙非素拊循士大夫也背水一戰而擒趙王歇斬成安君是不在乎任之久近也以周瑜 臣 陽坑於長平廉頗率老弱之卒守邯鄲田單鳩瘡病之餘保卽墨可謂弱矣而果腹以擢騎劫以 其將而已矣昔智氏以韓魏三國之兵伐趙馬服君之子以四十萬之衆抗秦可謂 聞將帥之難其人久矣勢有彊弱任有久近敵有堅脆地有遠邇時有治亂而勝敗之機不緊焉。 去燕師渡水 強 矣而 而解。 潰 於

林氏選評名家文集

脆 也。 也。 東 西 異壌 晉之衰。 也。 M 鄧 艾以 縋 兵 取 成 都。 水。 南 北 異 智 也。 而 王鎮 認以 册 師 刷。 巧 關 中。 是不 在. 乎 地

亂 之遠 也。 故 邇 善 將者。 夫以 勢 東 無 強 弱。 任 m 謝 無 久 元 近。 得 敵 志 無 於 堅脆。 淝 地 開 無 元 之盛。 遠 邇。 時 而 無 哥 治 舒 亂。 翰 失 不 甪 利 於潼 則 已。 用 之 是 無 不 不 在 勝 平 焉故 時 2

惟 其 將 而 已矣雖 然有 ---軍 之將。 有 國 之將。 有 天 下 之將。 走及 犇 馬。 射 中 飛 鳥。 攻 堅 城。 破 強 敵。 所

向 無 前。 此 有勇之士一 軍之 將 也8 出 奇 制· 勝。 無 窮 如 天 地。 不 竭 如 江 河。 攻 輒 破。 聚 輒 服。 此 有 智 之士。

國 之將 也8 福 於己 而 禍於 人。 則 功 有 所 不 立。 利 於今 m 害 於 後。 則 事 有 所 不 爲。 功 成 事 带。 自 视 飲

然。 成 如 無 此。 矜 大之色此 非 有 道之士其 有道 之士。 可。 以 輕 天下之將 付之哉。 國家將 也8 古 者閫 帥。 可 外之事將軍 謂 盛矣。 視禮 制 樂而 之。軍 中 敦 詩 不 聞 曹 者。 天子 肩 之認。 摩 丽 轂 其 委 擊。 縱. 任 横 責

·剽 悍。 稱智 囊 而 號 肉 飛 者。 至 不 可 勝 計。 然 驛騎 有 赤 自 囊 至。 則 廟 堂之上爲之紛然。 進 11: 賞 罰。 皆 從

中 決 者。 何 也。 豊 以為 將 िवि 者。 皆智 勇 之人。 非有道之士不 可 獨 任 校 耶。 夫廟。 堂。 邊。 事。 則 王。 體。 不。 嚴。

將 可 帥。 之。權。 任 天 下之將 輕。 則 武。 者為 功。 不。 之。凡 立。 鳴 有 呼。 軍 H 事。 謂 惟以大 兩失之也。 義 臣以 Ŀ 聞。 進 爲 西北二 退。 賞。 嗣。 邊。 盡付其人得以 宜各置 統 帥 便 ---宜 人。 從事8 用 大 加 臣 材 兼 則 跳 文

有邊警可以不煩廟堂之諭而豪傑之將得以成其功矣。

鑒 於 唐 籍 鍞 之關 故 無 特 將 專師之人用一 狄 武 襄 猶 疑 忌 而 進 罰 付 其

動 聽 邪 然 文字 實 切 中 北 来 之流

悦懌8 臣 是之謂一 以 可。 而 克。 族° 其 重 憩 無。 卒 聞 一陽氣浸 遇是戰 當是時 名。日。 義 辩。 兵之大概我爲主。 其 而 土也。 形器 說泛 不假 1怒機旁刺 德俯 之而 200 者。 m 之變旁通 然 也。 雖有 才 則 不 上 而 滿 貨° 根8 也。 所 已此兵之常法也且事 大宅。 經傳子 謂 智勇無所用之獨可馳一 其意 其 仰 而用。 彼爲客是守之而 所 幽 辯 其名曰。 悼念8 圓 明 士 者必以其 開者 史天星地志醫方卜筮百家之書 時 m 遊釣其 物之所 無主聞者茫然如獲異物不 喜機。 追懷心折骨驚手足俱 所 部 宜者識也窘之而益出 具三 威傷。 固 已彼爲主我爲客是攻之而已客主 過差 德明 有常 聞者 法然 弟 介之使憑軾 而不貸觸忌諱 法所不 五機。 丽 廢。 能 利 船 辦 者 守 揮御8 知其名8 其名。 下 口 一費之而至 霑 無所 者 ihi 1億不復 日。 喻 不 無 恐。機。 疑。 不 與 以 则 欲捨之而 涉8 形 盆 焉。 聞 嗣 道以今名 自勝。 者忿然髮上 新品 蓋 不 而 褔 上 便8 能 掩 而 之以卒 示 行8 其 選守: 得志% 攻 知 名。 则 道 分。 彼我 其宗 智 德 此 勢 衛冠。 悲機。 其寶 以 而 性 軍。 不 美 者。 相 不 命 10 利。 創歷之 學也。 之原 一發端而 也。 所。 戰 利8 目 埓。 欲取 眥 以。 則 塗 聞 者 夫 不。 盐 F

則

恐

英能禦已。 去。 則 恐其 大是謂 怪也。 徙 倚 五 機。蓋 周 章8 三。 狐 德。 疑 不。 ini 具。不 不決8 足。其以。名。 立。 日。 己。思。 五 機。 機。此 不。 五 者天· 明。 不 足。以。 之所 移人。 以命 於人8 故 日。 所謂 有 觸 辩 之8 士 則 者。

德 明 五 機。 而 利 口 者 不 與 焉。 昔蘇 秦張 餞 犀 首 陳 軫代 厲 之屬。 皆以 辩 名 於 世 矣。 然三 怹 不

丽 Ti. 機 有 餘。 故事。 求遂而不問禮之得失 功 求o 成而 不。 恤義之存 中山 偷合 荷容的 取濟。 --9 時e 而。 巴 此 故。

所o 以。 為。 利e 口。 之0雄0 而 君o 子。 不。 道o 也。 然 後世 之人見其 如 此。 遂以 辯為 級機械之術語 諱 問 而 恥言之。 則 所

謂 因 噎 m 廢 食 也。 孔子 日。 賜能 辯 丽 不 能 訥。 孟子 日子 登好 辩 哉予不得 已也。 由 此 觀 之孔 孟. 之 間。

使 未 瞢 在 廢辩。 其 間。 特貴 岩 非 辩 夫 入時然後今 士 爲 之則安能 發不得已 事 m 對。 後 而 用 不 爾。古 辱 於 者列 君 命 耶。 國之大夫聘於塗 或 日。 戰 國之時 者。 無定 肩 勢無 摩 im 常 縠 壑。 形。 兵之交則 横 則 秦帝。

縱 則 楚王。 故 辩 士 得 以 乘 間 而 執 其 機。 自 漢 以 來。 形 勢異 矣。 倘 安所事辯 乎。曰 是不 然。 人 之生 心。 有

手 足 則 知 搏 擊。 有 · IL 智 則 知思 慮。 有 口 舌 則 知 語 言。 天 下 之飢常生 於 此 三者。 然反。 而。 用。 之亦 可。

州。齊。 創。 田 蓋 構以 搏。 酸。 七 爲。 力。 思 城 慮。 下。 爲。 漢 謀。 陸 語言。 賈 使 爲。 南 辫。 越。 天下。 尉 它 未。 去 黄 眷。 ---0 屋 日。 丽 稱 不。 用。 臣。 買 力。 與。 林 謀。 致 也。 李 抱 何 獨 真。 於辯 m 王 庻 丽 俊 疑 泛普酈 倒 戈。 韓 愈 食 其 使

丽

牛元翼出

矣此後世用辯士之明

效也天下

不用

兵則

已矣如用

兵解

士

不

可

無

也。

德 Ŧi. 機大似素書至論戰國之辯士謂事 求遂不問禮之得失功求成不問 義之存

語如 鐵 鑄 一字不 可移易 想長公見之亦當卻 步文前 緊後鬆填 公舒 暢 自 田之作

謀 主

勞佚 法 臣 能。 制者。 聞 雖 用 龜 主 夫 之週8 安脈 耳目 謀 端策灼之而 焉古之人將有天下之事。 雞 兵家之所 殿。 脈 者聖人所 漫然而 役四 絡 絡 旌 和也號 合者 聲 雖 旗 通8 肢 以取 鼓 辨兆。 鐸 也8 不 壑 不 知寒暑温; 音雖 雖脩8 精以思 能免也况於兵乎兵之道 勝 火火河 者。 和。 非特 車 音 慮 騎 也。 耳 助己者勝為 未嘗 凊之 變 冥 然 則 旌 分卦所以謀之於幽 將 目 外不攘於人事內不寇於陰陽思 雖 良 聰 不先 而 明8 士 管 用。以 。 以 於謀。 四 卒 勁 肢 而 % 一人之身將者。 不察冒 故 也。 雖 無談。 必 便 考 車騎步 也。 有 利% 訂 易 主。 卿 犯 精 不 心水火嬰觸^ 日天地 士之議。 深敏 蓋將 可。 兵者。 以。 無。思。 軍 悟 一之於謀、 參的 之士料敵 心也謀主思慮 設位。 四肢 金石。 慮將 焉 聖人 也。 而 庶 不精慮 心之統履 主也。 無所 雖 人 八之言。 成 合變。 良。 有之者。 能。 圖 不 至矣故 %而 也8 人謀立 出 所 籍 圖籍者。 腑8 以。 奇 雖 謀。 具。 無 鬼 勝。 不 惣 熟則 之於明。 謀。 窮 無 心 脈 法 之者。 膱 百 制 絡。 雖 者。 明。 腑 姓 爲 飢 雖 出

也。

與

机。

之

氏選評名家文集

資。

敵。

者。

敗敵

之。

言言

或。

棄。

者亦。

敗。

棄矣而。

或用。

者。

亦。

勝。

何

以

知

其

敗。

離8

飽

磬

成帝 業何 楚漢 之強 哉。 漢 有 弱。 良平之屬為 不 待 較 而 知 之謀楚有 也。 ifi 項氏 **乘有戰勝之威身死東城劉氏** 范增 而 不 能 用 也。 放揚 雄 百漢屈 以頻 奉策奉策 沛 奔走之餘。 屈 拳 五 力。

憝羣 自 屈 其 力。 人者 勝。 自屈 者負。 此 所 謂 有之者勝何 無之者敗 也。 世陳餘: 拾李 左車之計

泜水 上韓 信释! 縛 而 師 事之途收燕齊袁本初棄許攸之策攸奔曹公公跣 而 迎之途破冀州。 夫攸

左車 者豈欲負彼而 忠此哉用舍之勢然也此所謂己棄之而資敵者敗敵取之而; 助己者 勝 业。

也。從 張樹以精卒追 同。 則勝敗異變可不察哉此所謂 魏師賈詡以爲 不可。 已而果敗旣又請收散卒而攻之已 矣而棄之者亦敗嘗棄矣而用之者亦勝 而果 勝夫副之爲 繳 也。

遠不 肾用:

共。

後世則不然將受命之日士大夫莫敢仰 視。 而 所謂幕 府從事 者往往皆關對取 《具之人。 且 敵 傅

於陴隍之下髮發乎肘腋 之間召而問之則 相向 無主矣是豈有補於萬分之一哉臣病夫世 之論

止知重將帥之選急士卒之練講器械陣營之所宜究山 川形勢之便而 推風角鳥占之說至

主則未始一言及焉不知夫謀主者。 一軍勝敗之樞機也

此 始將 文純 史 學孫子十三篇中間 事 分 疏 此 是行文先占便宜處若 引據古事妙不即說出先將其所以然及所當然辨別 先引古事 前 後 加 川以論断 便 是 節 史 分明 不

論斷之能矣

兵法

曹公追 覺之而 **昔孫臏** 間。 也。鞠。 不 精 此 亦 聞 皆有 知 神中 御 四 太 法恢以自然 **【術者以道** 公望 劉 伏萬弩於馬陵之下魏軍 而 失o 兵 先主。 守中 者 將是 法。 魂喪而魄奪! 况於 將。 而 謂妄行古之論兵者多矣。 日 而 克 商漢 殺。 用之則爲四勝不以道 帥 將 無罪之人披堅執銳。 所 夜行三百 則用權謀之異也。 以 武 則雖o 1 御 之者 諸將。 有o 七尺之軀 里敗於烏林。 至 法。 而 兵不 伏發龐涓一 最吉因以爲將卒降匈奴此 用之則 記 大率 得 馬 從事於萬 服君 死 將。 o無 此則 亦 奥 救賜與 過 爲四 死焉王恢伏 Ho 無 矣の 用形 有四。 死 兵 敗3 同。 則所以 生之地 勢之異 既遣 事 將 同 日 不 權 間。 車 知 而 火也西伯的 卷甲 謀二日 騎材官三十萬於馬邑之旁匈 功異。 使。 哉。 法。 兵之有 則 形o 與 者o 無 用 而 不 可不察也。 Lo 陰陽之異 將 趨之二日一夜途 形 將 勢。 也。 法。 狐。 同。 卜之。 稻 人o 枚 蓋 日 斷 知 之。有 陰陽。 何以 也。 兵 木 爲棋。 獲霸 有 申 知 精。 四 法。 公 **建破秦軍**。 其 巫臣教 王之輔。 縫 日 正 神。 然 技巧。 魂o 魄o 革 行 那。 無

林氏選許名家文集

者。之 月 相 而 於死 非以道 與以 大要也夫鏃金羽鶚以爲矢傅膠合漆以爲弓天下所同 車 生之變氣不奪於寵辱利害之交則四者之勝敗。 戰吳是以始通上 加以鞭策之威天下之所 用之則爲四 一勝不以道用之則爲四敗乎雖然所謂道 國房琯 用車 同 也。 下以 抗 融 而 王良爲善御是 心城投芻 四 術而已至於治心養氣之道則以爲書生之語。 暸 然洞 何也。 也。 而火之王師 而羿為善射服 者何也。 見如 其所以用之者道心今世之學 形 奔潰此則 影入於水鏡之中是兵 治心養氣 在箱駿在旁制 用 丽 已矣蓋心 技巧之異 以 兵法 法之 銜轡 也。 不

通篇 用譬喻 及徵引初不足異 收處以冷雋語點 醒覺前半常調為之一 洗而 空

盗 賊 上

而 不

天下之祸嘗生於不足恤昔秦既稱帝以爲六國已亡海內無足復慮爲秦患者獨胡人耳於是使士大夫講之詳論之熟矣至於盜賊之變則未嘗有言之者夫豈智之不及哉其意以爲不足恤也臣聞治平之世內無大臣擅權之患外無諸侯不服之憂其所事乎 兵者夷狄盜賊而已夷狄之害 築長城卻匈奴七百餘里然而陳勝吳廣之亂乃起於行伍阡陌之間。 由此言之盜贼未嘗

蒙恬

北

取o 者o 聚。 勿迫 無 可 而 則 捕 必 而 者。 出 虎之術必先 戟 不 勝 mi 也。 追 焉。 以 以 之心 則 夫 撞。 整。 知 但計之官。 難其毒 也。 日。 故曰 Дo 鷀 烏 其 平。 則 蓋招。 器 合% 急。 北。 盜。 與其 尺極 而 非 已故 庫 賊· 平 則o 足以害 有 與 利 索 降。 盗 人。 設 則 俯 可 與。窮。 於命 纏。 省下 無 急 賊 以 機 方 法 而 奇略。 制 共 精。 與 制 维。 而 夷。 题生今夫虎之 氣8以廿 治。 穴o 人。 奉起 相 故 狄。 攘 旁 其 置 縻8 是。 命。 ilio 而 方 之。 夷 不 也。 網罟。 其 旃。 知 狄 已o 枚 夷 非 C夫患莫大於招降型状之術異也雖然盜賊 1飢寒之辱3 速戰 犯 異。 計 狄 有 則 邊也。 摺 之所 者 何 捕 風 插. 生之勇。 遯。 虎也。 以 之爲物嘯則風 以 則。 虵 風之術。 出。 利 扩 非 利 夷 戟。 有 逨 狄 盗 其氣勿迫以 孰若剽攘攻劫而 則 之兵。 恩 戰 北 射以 往 賊 以折 信 往 者 必 貪 甲 強弓。 賊o 環 嗣 虵 足 相 招 者平之非 莫深於 生怒則 結然 馬 其氣% 以 鼠 其 其渠 也。 蠹 鳴 溜 擋 如 《揭竿持梃》 金鼓 其心。 雲矢石 盗 虎 穴 物。 帥 第0 治o 百 賊 不 ini 而 不 而 失倒 蓋 難。 非 獸 則 降之彼姦惡 ग 伺 丽 乘之不旋踵 震恐其 絕之。 非 何 以 之黨以艾注以 不 有震恐百獸之威。 如 艾薰 然。 速 則。 那 雨。 滁 縣之卒或了 公 難 。 險阻 戰 4 之榮由 A 、氣暴 以 羊 盜 而 是憑。 橐 折 之。 賊 平而 水 作可殺 民見其負 注。 之起。 其氣% 賘. 此 而 言之。 水。 不能 無 抄 轉 不 鼠 彼 然 則 奪 輸 必 絕。 虎 是資。 矣8 緩 制 將 不 有 其弊 而 不 不。 考。 可以 罪。 n o 絕。 無 不 丽 虵 其 有 以色 न 勢 人 所 辱。 統 命 来。必必 二不 im 弓 得 驟回 萸 人 人 民。 射 ilije 故 有 便 食 非

治。 日。 逸 爲。 與 則 亂o 也o 殲 威 往往 Ш 而 厥 海。 許 也仁及有罪則傷惠戮及不辜則損 放日患莫大於招。 脱身而求生由此言之是驅民以為亂也:原支黨而治之迫脅之民見被汗者必不 其 渠魁脅從問治舊染汙俗咸與惟 自新。 則 足以安反 降。 凡盜 側 之心夫如是天下之人孰肯含生之塗而投 . 賊之首既 威。 新蓋渠魁盡殺而不赦則 已伏其辜矣而 威惠兩失而 免也 故曰禍莫深於窮治且王者所 則將曰。 欲天下心畏而 刀筆之皮不能長慮卻顧。 與其嬰蠅金木束手而受斃孰若遜 足以奪 力服堯舜所 ·姦雄之氣: 必死之地 以威服 哉。 簡 育從 不能 **灰下考惠** 嗚呼。 節 而疎目。 汗 也。 夏曹

汗者; 大旨 全在公 必不免窮深極邃文無遺義髣髴蘇家 禽 贼 禽 王亦 是常解的 然招 降 窮 治 議 兩 弊 卻 說 得 切 實 無倫 其 日負 罪者 未 必 死

盗 賊 中

矣。

郡 以 臣: 縣之間。 爲 聞 假 自 息之計。 古 抱鼓或驚遊徼旁午未見休巳者何也以臣思之蓋不任吏之弊也夫任法不任吏。 盗 之所 自 陛 以 下即 舆。 皆 出 位 於 以 來輕徭 仍 歲 水 役。 阜赋 賦斂。 歛 横 善氣既 出。 徭役 應。 數 年穀胥熟是宜外戶 發。 放恩 民為 盜。 弄 兵 不閉。 於 山 道不 海 險 阻 遺。而 之

間。

條然皆畫一之制也夫民之所以 之課 **平人或驕兵惰卒窮苦無聊亡命啸聚或執左道**。 上。岩 縣之豪傑用 納 折。 衣 而。 食。 食者從末減若文致 於 殺o 可 虎 尤 者0 以 支解 而 常。 穴中 可疾者。 延一日之命或 有 於。 皮輒 異 ☆遊城尤甚何四 之0 東 者。 以爲吏一 也。 者尹賞之治長安也。 其 者。 聞 有耳 吏果於生殺而 。 論 知姦不得舍者韓延壽之治潁川也省遣 術 蓋 不 如 不 律案問欲 月具. 可勝 過 於法而· 旦竊 (敷端) 則今盗賊之法可謂 故吏善家子。 數。 知主名區處。 級夫以畫 - 之法知 数夫以畫 - 之法知 發則移書詭責取辦其 而 舉者得減 人心不厭者頓識考之若此之類與 E. 蓋有 有 為盜賊者其情不一或 失計随 明設 窮 使 購賞介 吏 里 重 院流輕舉妄 至全合坐語 密矣強 論 民 雜 殺。 倂 轉 相 舉 人者朱博之治渤海也有 捕 少 相 盜 徒伴及告獲 未訖捕 年 動。 部E 得 斬。 **理發之兵能** 惡子。 惑以 閩 财 若此 吏 里惡少自負 滿 追 之類。 為徒 匹及傷 皮已 捕 鮮 它 有 衣 黨或困 功而上名尚 特盗贼之大情耳。 至 夫 盗 捕 凶 五者趙廣漢 者降除 捕 逐之吏單 服 人 心之人悉籍 其氣椎埋鼓鑄不復齒於 者。 獲亡逸賞罰之格。 於飢寒迫: 輕。重。 臣 輒 置 甞 其 棄 車 之治 書。 罪。 市。 觀 則 Œ 記之。 為之靈氣。 獨 五 調 古 宜0 殺0 殺 長関 共間 行務 之能 於逋 京 補 家三人以 兆 縣 而。 日 贪 以 里 也。 令 吏。 生。 負。 儿 德化。 一級曲 收 | 剽奪 數 通 者。 盜 有 宜 捕。 生。 張 城

至。

淮

入其所 之權責 過之不暇尙何功名之有哉何則非賊殺不辜則故縱反者也夫以顕途韓延壽張愀朱博趙廣漠撫之而安之者態途之治瑯琊也此數子者可謂善治盜賊矣然以今日之法繩之則彼將皇恐敕 守臣之威權 尹賞爲吏於今之時猶不能 賜緝 以大網而略 稍重8 捕 緡錢使得益以釀酒賞格之外得酒數百 面 盜賊 其 八小過凡一 可以清矣王嘉曰國家有急取辦於二千石尊重難危乃能 最盗 賊之誤又可責於常人 石亦 平為今計者莫若寬法而任 足以 布 設耳 有司 目而畜養爪牙。 设被。 速o 使 不 其下。 得 稍 如 劾 重 此。 赐 以 郡 則 呼。

二千石能 任法 使 其下。 不任 吏 則 雖有 ---語 直 贵 《中赤眉·無足· 道破 千古治盜 讀 畏 流 也。 弊 中 間 雜引古

事固

一是賣一

乔家

私然眉

目

井

然

使

沙

盗 誠下

年見之則

亦

不

至

一廢書

而

不

深 臣 姚 慮。 問 觀 如 盜 臣 賊之 下獲一日千里而縱踶齧之變亦可畏 前 起。 說。 計 小 則 足 以辨所 蜂 屯 蟻聚廚掠門 可 深慮 者。 閭 其 里。 大 間o 有豪俊。 則 心昔周 擅名 而。已。 號。 攻城邑。 亞夫得劇孟喜曰吳楚舉大事。 何 测。 人之有豪俊猾馬 収 《庫兵釋死》 罪。 掠 有之驥犬之有 吏民。 而 不求劇 然 皆 無

掌牙兵是時四方豪傑不能以科舉自達者皆爭爲之往往積功以 彼卒材鼠罪 校皆奴僕市 選於嗇夫邴吉出於獄 或至 之才。二科足以取之若有椎魯少文之人則不可 之士固有文武縱橫之間無不可者亦有椎魯少文獨可以屬之大事者使天下豪傑皆文武之士固有文武縱橫之間無不可者亦有椎魯少文獨可以屬之大事者使天下豪傑皆文武 而名卿賢將如 一河之所趨。 ,夫孟克融。 臣 知 一於二千石入爲公卿古者不專以 肾爲朝廷思之未 其 無 能爲也天下騷動大將得之隱如一敵國云唐縱朱克融北還盧龍未幾軍飢遂復 。皆匹夫耳而知 百川赴焉蛟龍生焉及其去 雖有千百為羣不足以置齒牙之間矣國家取人之制其選高者惟制策進 者。 高仙芝封常清李光弱來填李抱玉段秀質之流所得亦已多矣王者用 他。 以朝 吏其餘名臣 知所處有搢紳先生告臣 得失去就之間繁吳楚之成敗爲河朔之存亡以此言之盜賊之間 廷不用也今欲用胥吏牙校而胥吏行文書治刑獄錢穀其勢不 循 文詞 吏。 而之他則魚鼈無 曲 取人故得士爲多黃 此 m 日漢法郡 得而 進者不可勝數唐自中葉以後。 取之矣是制策進 所還其體而鯢踿為之制今世胥吏牙 縣秀民推擇爲吏考行察廉。 霸起於卒史薛宣 取旄鱿雖老姦宿 士所得之外不能 方鎮 恋 皆選 盗。 於 七夫豪傑 我籠取 或出 人 書 以 次遷補。 列校。 佐朱邑 如 無 江. 菲 遺材 则 河。

也。

淮

鞭 撻。 鞭撻 二 行8 則豪傑不 出。於 其o 間。 故 凡。 刑。 者o 不。 njo 用。 而 用o· 者0 不。 可o 刑。 朝 廷若採唐之舊 制。 使 諸

監司郡守愼選士人以補 衙 **職課之以**鎮 税場 務督 捕 盗城 之類。 有公罪。 則贖 焉使長吏得萬其

者。第 英偉之士渐出於 其功 阅。 書歲 月使得出仕 Ht.o 塗0 而姦猾之黨可得而籠入 比任子而了 不以流 也 臣 外限其所 背思 之逆銷盜賊之術。 至朝廷察其尤異 者權 未有過於 用數 《人則豪傑 《人則豪傑 lit 者稿 収

其說以獻惟陛下裁擇之。

終 被富鄭 公蘇 長公論彌次 盗。 當有: 此說秦公謂 有搢紳先生告臣者其實指蘇公殆非

也。

論

可

方鎖 皆選 刘 校 以主 一牙兵是 唐藩 鎮之漸· 也 欲 用 以收 羅 庶 雄 則 先以 土人 爲雉媒議

云奇關然不可行也而行文自饒英氣

韋元成論

出; 臣 出 観章 於。 人。 元 小小。 成 等議 间。 已。]合於先王· 漢宗 廟 之事未 之。迹。 皆不竊笑之以爲 而 不。 合於。 入。 心。 君 子。 此 不。 乃 不 以。 達 爲。 禮。 時 變腐儒 也。 夫 事 之論 死 如 事 也。 生。 何 事亡 則。 醴 加 非 事 天 降 存。 古 地

今之 先 也。 亦 情 不過萬 业。 上 古 毛血 之世養生 於中野而已中 之 具 未 古以來發生之具漸備範金合土以爲臺榭宮 備。 巢 居 而 穴 處。 食草 木 之實。 鳥 飲 共 Щo 室。 茹 以 其 炮 毛。 以 則 祭 以 其

事。

著存能

發怒於子

孫乎

元帝寢疾而夢祖宗譴責

也豈非以此乎史稱元帝少而

好儒。

及即

雖

遊

徒

烹以炙以? 後。 未嘗 可盡 **配之儀故有天下** 普 衣 知 可 以 未 **薦者莫不咸在**。 冠之為 則營之先親而 藝之文途欲一 能 陵 行於後世哉古者君子將營宮室宗廟爲先廢庫 有而通輒以為請者知制禮之本意則可以義起之也彼元成等不然徒見漢之宗廟祭祀。 惠帝作複道叔孫通因請以為原廟又嘗出游於離宮因請獻櫻桃夫原廟 異嘗 如 廟 醯 為 體酪夫以備者自奉而以不備者奉其先則非人心之所安也於是始. 園 非而不 也宮室宴享非醴則置而 能 寢 14 便 者事 抵。 殿 大量水 切毀之不知六藝之文中古之事 上林宮館希 知千門萬戶之宮。 祭祀之爲過。 後身毀之先身而後親。 七世。 勝於上古之世哉蓋以謂不如是則人心怵焉而不 日有祭月有配時有享歲 御幸者而 而 不 神明 不議宗廟祭祀 知神 通 永元中幸長揚射熊節。 仙 可 天之臺離宮別館。 長 知 也。 年合數增 漢之制度不合於六藝之文者多矣彼 非禮。 有買始終有歸其物則天之所 次之宮室爲後將毀宮室廢庫爲先宗廟爲 心上古之事不可盡行於中古中古之事。 崱 成 議而毀之漢之祖宗神靈 飛 百有 廉象玉之為過 布車 餘 **區之為** 騎 大狐。 安此制。 則 非 也。 與諸果之獻。 也元帝 制宗 是宫室宴享之 知 生。 廟 禮之本意。 地之所 廟之醴。 不存 在 郡 初 元 則已。 成等。 國。 前 不 月 此

茍

心心

穛

≒+:

之元帝 位。 用 元成 所 用者蓋腐儒耳安得眞儒用之哉 等爲宰相而孝宜之業衰焉後世遂以 **儒為不足用嗚呼以元成等議宗廟祭祀** 之事

據禮以爭立論甚正

石慶論

李蔡 以賢 臣 別 良為 嚴 漢 青 武帝既招英俊程其器能用之如不及內修法度外提胡粤封泰山。 學首用 翟 趙 周 公孫 經 術 賀劉屈釐之屬皆以罪伏誅其免者平津 取 漢 相。 辩論 有 除習文法吏事其免固宜。 牧邱鄙 侯公孫宏牧邱侯一 人耳爲相見 塞決河朝廷 石慶 已非 多事。 其分。 而 已。 又以 平

全終 陰 之與 何 也。 蓋慶 陽 也。 之終於 陰勝 而 督陽% 相 位。 則發生 非 其才 工之道 敏陽 智之足以自 勝 免也。 而 偪 陰 事勢之流相激使然而 厠 刻制之功虧僭實生個。。。 已矣何則。 信亦。 君之 生。 僭。 與臣。 兩者。

無。猶 有。 是謂。 太。 和。 萬 物。 以生變化以 之故。 成。 方 武 發。 帝 ģp 位之始富品 時。 於 春 秋。 弱。 武 安侯 田蚡。 陽。 Ü 肺 腑 為 死。 丞 相。 楷 移

事。主 盡。 Ŀ。 收威 上滋 柄 不 於 平。 掌 特 以 握 之中大臣 太后 隱 取 充位 忍 而 不 m 已。 稍 當 不如 此 之 意。 臣 則 痛 強 君 法 以 細 陰勝 之。自 而 丞 僭 相 武 以 安 下。 侯 皆 皇 旣 恐 救 上 懲 過 其 而

當此之時君強臣弱陽 勝 而 個陰夫豪傑之士類多自重莫肯少殺 。。。。。。。。。。。 其。鋒。 鄙 人。 则。 惟。 恐。 失。

人而 不。 至。也。 後 當君強臣弱。 可也8 慶 爲相 ·陽勝偪陰之時雖有豪傑安得而用。 時。 九卿 更 進用 事。 夵 關決於慶慶醇謹 雖用之安得而 E而已在位: 九 終然則 歲。 無能 用之而 有 所. IE 終者惟 言。 嘗欲

所。

鄙 治 上近臣反受其 過。 Ŀ 一書乞骸骨詔報反室自以爲得計旣 而 不 **小知所為復** 及起親事鳴 呼。 此 共 所

以

見容於武帝者歟。 夫 慶 終於相 位是田蚡之所致也 放日事 勢之流相激使 然而已矣。

免何 心也宏之才術等 雖不 與 慶同 日 丽 語至於朝 奏暮 議。 開 其 鼢 使人 主 自 擇不肯 面 折 然則 廷 爭。 公 平 津之 卿

議至上前皆背其 約。 以 順 上旨如 此 之類8 則 與 慶 相 去8 幾何耶宏與慶 為 人不同 其 所 以 獲 免者

親幸 也8 一之臣。 是 時 m 非 亦 3 特 以 丞 罪 相 誅。 业。 如 唯 東 相 方朔 如 稱 枚皋司 疾避 事。 朔 馬 皋不 相 如 嚴 根 持論。 助 吾 以 邱 此 籌 獲 免。 王朱買臣 由是觀之武 主 父偃 帝之廷 之屬。 號 臣。 爲 鄙人。 左右

者多矣豈特容 慶。 也。 哉。 故 淮 南 E 談 反。 唯 僤 汲 黯 好 直 L諫守節 一 死義。 至 說 公孫宏等 如 る 発蒙耳 の 嗚 呼。

超者可謂豪傑之士也。

石 慶 終於相位 謂 爲 田蚡之所致真史眼 如 炬凡 精明 強毅之君恆懼 爲 人 所 劫 制 其 视

儒 之臣 固 屬 無 用 然 正特有己之精明使之備位亦不至自掣其 肘 此 石 慶之所以得全也

蓋有田蚡之跋扈所以曲全石慶之無能旣揭漢武之心亦形石慶之劣

林氏選評名家文鎮

三十三

推

子陵論

則。 臣 夫 聞 用 草食 兵之法。 之獸。 有所 不 疾 謂 而 常。有 易藪。 水生之蟲不 所謂 變。 什 則 示 園之伍 疾而 易 前攻之不 水。 小 變。 敵 不 則 失 逃之兵之所 其 大常 也。 知 謂常 此 者 也。 可 以 以 寡 用 覆 兵 矣。 衆。

之所謂 變 心古之善用 兵者。 雖能 以寡 獲衆。 m 什 團 伍 攻之道。 未嘗忽焉所謂 行 小 變 而 不 失 其 大

常也嗚呼李陵之所以败者。 其不 達於此乎。 兵法 日。 小敵之堅大 入敵之擒也。 方漢武 時。 匈 奴 承 冒 顔

之後。 號為 強盛。 控弦百萬幾與中國抗 衡衛青 霍去病之徒每出 塞至少不下三萬 騎。 其 多至 十萬

騎又有諸 將相 為應援然後有功陵乃以部 卒五千出居延行三十 日至波稽山與 單 于七八萬騎

接 戰。 日 **敷十合安得而不敗哉蓋陵嘗將八** 百騎。 深入何 奴二 一千餘 **堂過居延北** 不見廚還 又嘗

將 輕 騎 五 百出燉煌至路 鹽水迎武 師。 未 小聞困絕謂 以少聲衆可以爲常不知幸之不可以數也 音秦

始 皇問 李信 日。 吾欲 取 荆。 將軍度用幾 何人 而 足李信曰。 不過二十萬 人又問一 王翦。 日。 非六十 萬

不 可。 始 皇 使信 伐 荆。 旣 m 軍 敗復 欲 使朝朝 日。 大王 必不得已用 臣非六十萬 人 不 可始皇從之途

平荆地。 夫 E 翦 豈不 知以 少撃 衆 為利 哉。 為 小 變不 可 特? 大常 不可 失 也8 故 田 單 疑 趙 奢之 用衆。

m 奢以爲鎮鄉 之劍。 肉試 則 斷 牛馬。 金試 則截 盤匜薄之柱 上而 擊之則折爲三質之石 上而

即碎為百嗚呼以王翦之事趙奢之言觀之則陵之敗也其自収之哉夫豪傑之士不思無才。 以孤軍深入其亡也宜矣然則李靖以騎三千喋血虜庭途取定襄何也曰唐之擊突厥也六總管 難繼耶而不勝一旦之憤輕用其鋒至兵敗降匈奴頹其家聲是亦不能養其氣而已矣或曰李陵 輜重陵心恥之不敢言也遂請當一隊以分單于兵夫以陵之奇才向使少加持重則衞霍之功豈 能養其氣而已不能養其氣則雖有奇才適足以殺其身也方陵之召見武臺天子欲使爲武師 師十萬皆授靖節制所向輒克廚勢窘甚矣頡利諸會皆勒所部來奔所謂傷弓之禽可以虛弦下 也况於勁騎三千乎與陵之事異矣。 將

此論殊平平

陳寔論

潔故制其行以和雖然清者所以激濁也非激濁而爲清是隘而已和者所以救潔也非敦潔一 於制行其制行也因時而已伯夷之時天下失於太濁於是制其行以淸柳下惠之時天下失於太 孟子曰伯夷聖之淸堵心柳下惠聖之和者心又曰伯夷陰柳下惠不恭何也蓋古之君子初無意 是不恭而已故由其本而言之則為清為和由其弊而言之則為隘為不恭故伯夷柳下 惠者實 而

共選評名家文集

未 嘗 淸 未 嘗 和 心安有隘 不恭之弊哉。 前 史 稱 中 常 侍侯 寬託 太守 高 偷 用吏。 陳 寔 日。 此 人 不 宜

而 侯常侍不 可違乞從外 舉又中常侍 張 讓。 馤 葬類 川。 雖一 郡 畢 至。 而名 士無 往 者。 張 甚 成之寔乃

獨 用 焉。 嗚呼若寔者可謂殆庶幾於夷 恵矣何 則。 短 題 之 時 始 政在宦人而 天下 之士方以名 節 相高。

子。疾 产 亦 。 之 已 甚 基8 至 使 其屬 無 所發憤 常欲以身死黨錮之禍海內塗炭者二十餘年豈特小人之罪哉。 君

人。 張 德 寔。以 取之也是 此 多所 全宥。 知其然故於用史送葬之事。 則 其 · 效蓋可見也。 嗚呼使東京 稍訓 共 海之士大夫制行 身應之所以因 皆如 時救弊而已其後 寔 也。 黨錮之 禍。 複絲點 何從

m 興 爭。 以此 言 之寔殆 庶 幾於 **火夷惠信不誣** 矣。 則塞為侯張 而 身訓 也。 不 爲過。 則 元 頹 之徒。 因 怎

官 以 得 毕 ·和。 亦 不 爲 過敏斯 不 然 也。 告 孔子 於衞 .見 南 子 矣於魯敬陽虎 矣。 至 一彌子以 爲 主 我 待 们0 别

道6可 得 耳o 也。 则 E 有 之徒。 命。 蓋 見 道e 而o 育 子敬 1110 陽 身。 虎 者。 者。 哉o 身可 illo All e 不 爲道。 主 彌 子 者。 道不 可會訓 也寔於侯罪 者。 乎。 張。 亦訓。 身。 以。 也。

豈岩 人 獲 滅 元 堅齊侯使 稹 訊 人 、信之且 日 無 .死。 然 堅 則 稽首 士 大 日。 夫 拜 命之辱 间 或 抑 訓 君 身 於宦 賜 不 終 人 始。 叉 亦 使 可 其 斯 刑 叉 臣 不 膻 於 然

和。 抉 其時者是不恭 傷 而 死。 古之人 恥 而已若陳寔之屈 其 、身之辱 於刑 自於宦人而背 也。 是故 爲 伯 非其時者。 夷 之清。 丽 非 其 時 者。 是 巴8 隘 而 E: 為 柳 F 忠之

是

為

姦

而

非

時字是說不得已也太邱等於李東陽顧太邱 為時所諒官不高而行高 抦

在位 高 而 又不及時而去故無款之者文言身可詘道不 可 湖北 甚

渡。 天下之關莫大於穀士古之人欲 比 故師士者王友 相 III o 能 士不足以爲損益。 用 业。 距 卢 豐。 之所以取了 封敬。 不在。 於京索之間。 袁紹 而竟死束城共 \pm 於官 越 王句踐。 建 以天下項羽有 信侯。 渡。 士者霸臣士者強。 也且 高祖 然 所以然者無他士之得失而已故高祖以為張子房韓信蕭何三者皆 告濱 紹 奔北。 敗 紹之械繁 而 於絕滅 未 丽 始不亡者何耶士。 還。 痕狽甚於袁紹者數矣而卒有天下項籍以百戰百勝之威非 范增。 失士者辱慢士者危殺士者亡世之論者皆以 豐 田 有為於世者雖負 mi 出豐也何異高品 復續紹雖敗於官渡而冀州 而 |不能用。 殺之嗚呼。 使紹不殺田豐雖有官渡之敗未至亡也何 所以 國之重器社稷安危之所繫四海 人之量 祖 城緊婁敬於廣武乎高祖圍 爲我擒以楚漢之事言之則 其豪俊傑特之才據強 度 相 遠。 之地。 一至於此 南 ·猿大河。 哉傳 大 不 支紹之亡。 知0紹 治中 可 北 於 日。 亂 o 善敗 平 拔 团 之6 之勢。 之。 燕 城 代形 者 則。 而還。 人傑吾 特曹公 果 音热淡 緊 純 屬。 不 也0 以二

氏選評名家文集

膀。 途 至• 及 起。 倘 於 此 。 兵渤。 內修 可 用 海。 農戰。 也。向 HI 天。 外 使 結英 出豐於獄東向而事之問以計策。 雄。 不 能幷 吞天下豈遠至於亡哉方紹與董卓異議 河朔名重天下不可謂 卑 身折 節以無 傷 非一時之傑 殘之餘。 能 聚 人 横 m 親 不能用。 執金鼓。 万。 心然應。 必然殺一田の F. 以 長 揖。 竊 燭 以爲 mio 豐。 出。

文隨引隨結氣定神閒末段奇峯陡起始折入田豐氣力極偉

魯肅論

不借 與玄 原。 至 魯 於 肅 挾 궲 天子 荆州 德 此 勸 入 關。 乎。 耳。 吳 以臣 此所 以資 以荆州之地借先主先主因以 以令天下毅然有幷 奥 秦父老約法三章秋毫無所犯秦民大悅項羽雖徙之於漢中而高祖還定三 謂 一觀之吳· 先 主。 胡 越之人未嘗相識。 其 可 人雖欲不借荆 得乎且 吞諸雄之心袁紹呂布皆爲擒滅其能合從幷 吳 不 州 借 ---以資先主 日 荆 取蜀吳王悔之歸咎於肅夫以肅之簪略 州。 同 舟 則 先 而 遇風波。 主必還公安不然則 不可得心肅策之善矣何 則 相 應 如 左右 當殺 手勢使然 則是 之。二 力以 一者皆 過 抗 時 之者。 也。 曹 人。 氏。 吳 不 而 已據 秦。 可 人 獨 其 也。 雖 仲 如 味 欲 謀 中 有

雄略。 借荆 也先主以宗室之英名蓋當代士之歸者如水之赴海烏林之役曹公以百萬之衆沿江而下。 之罪上通於天王允以順誅之而李催郭氾糾合黨與獨能爲之報仇何則卓雖兇逆亦一時之望 主曰夫舉大事必以人為主令人歸吾何薬去是時先主若還公安有缺文 囊中物耳何則秦民之心已緊於漢也方先主東下荆州之人歸者十餘萬或勸速行以據江陵先 州之事拒之則爲仇殺之則招禍因而借之則可以合從幷力而抗曹公肅之爲吳策者豈不命之事拒之則爲仇殺之則招禍因而借之則可以合從幷力而抗曹公肅之爲吳策者豈不 則周瑜水軍豈能獨勝耶吳若殺之豪傑四面而 至必矣孫氏之亡可立待也由是言之先主 與爲仇也夫以董卓 非其

美女玩好老於吳者耶史稱曹公聞孫權以土 **髀肉生慨然流涕嘆功業之不建其在許也曹公與之出則同與坐則同席竟亦不留此其志豈以** 善乎然則周瑜嘗欲徙先主置吳盛爲築宮多其美女好玩其策何如此又大不可也先主嘗見其 地借備方作書落筆於地彼知先主得荆州輔 車之

魯肅沈厚而 見遠周瑜聰明而量狹謂借荆州正肅所以保吳當時情事未必有 此然論自

新關

林氏選評名家文類

臣 聞 春 秋 書趙 盾 之 罪。 而三傳皆以 爲 實 其 族 穿。 非 盾 也。 盾 爲正 卿亡不越 境。 反 不 討 贼。 故 被 大

之 也。 名。 Ŧ 臣始 敦 之 疑之及讀 舉 兵 也。 劉 晉 随 史見王導 勸 帝。 盡誅 王導之 周 題之 事。 族。 然 導 皆水 後 知三傳· 救 於頭。 之說。 顗 申 爲 救 不 甚 切。 而 不 則。 與之言。 絚 誅o #to 潰 志o 心 傳 街之及 沙心 其。

敦 得 志。 問 顗 於導。 不答題 遂 是誅後見其 表始 流 涕 日。 吾 雖 不殺 伯 仁。伯 仁 由 我而 死。 然 則 顗 公之死。

雖 假。 手。 於中 敦6 實 道o 意。 也。 若 使 後 世 良 史 書 日 E 導殺 周 顗。 不 亦宜 平。 此 舰之。 則 趙 盾 之事。 從 可 知

矣。 園。 夫 盾 以 驟 諫 不 入。 假。 靈 公 手。 使 於中 鈯 鷹 賊 之。 志。 也。 不 -忍殺又 然。 伏 心。 申 而 攻之盛 以身免。 故 其 族 穿攻靈 公於 桃

不 誣 然 矣豈非 则 靈 公之死。 經o 誅o 雖 其o 志o 而 傳o 穿。 斌o 實 其。 事。盾。 斯o 然 不 則 穿 首 則 悪 其 也% 返 盾 曷為 疑 似 其 者 也。 不 舍 討 穿乎。 首 恶 傳 丽 誅 以 疑 爲 志 似 者。 同 則 何 也。 書 蓋 II. 名 信

實 俱 善 渚。 天下 不 疑 子。 俱 惡 者。 天 下 疑 小 人。 此春秋所 京有善之名。 無 善。 之。 實。 有 惡之心 無 熙0 之。

是 爲。 兹中 人。 姦 No 者0 嘗 為 君 身。 於o心 疑•迹 似。 之。問6 天 10 莫0不 得0 而o為 誅o 之。 以。 誅o 之。 .世.0 太 史 公公 以 春 秋。 别

嫌 疑。 明 是 非。 定 稻 豫。 蓋 以 此 矣。 漠 淮 南 厲 Ŧ. 母。 坐 趙 氏 死。 厲 王 낋 爲。 辟 陽 侯 力 能 释 之而 不 争。 辄 椎

殺 勣 之。唐 也。 由 高 宗 此 觀之誅 欲 立. 武 志o 后。 不。 畏 誅o 大 事o 臣 非 異 特0 議。 春0 李 勣 秋o 古 日。 今人情之际 此陛下家 家事。 所。 同。 無 然o 須 也o 問 外 春 秋。 人。 能。 帝 意 發。 之。耳。 遂 定。 然則 唐 人 以 王 遺 爲 之罪。 立 迅 后 與

趙盾同乎曰非也導實江左之名臣東晉之與導力爲多特其殺周顗之事有似於盾而已。

微旨即見諸敍事之中文言經誅志傳述事二語眞成鐵案中間論疑似之獄甚 趙穿弑君盾使之迎立新君是欲以勞掩罪此不待辯而知其包存禍心傳固但述其事然 有理解天

下正於疑似中窩藏無數罪人耳

王儉論

子無取焉史稱王儉嘗謂江左風流宰相惟有謝安蓋自况也以臣觀之儉實安之罪人也豈可同 臣 有二心至於屢改袁宏之文以寢九錫之命可謂以身許國社稷之臣者矣儉之仕宋襲封選尚: 日而 王魯國之事使臣珥貂所居稱殿何異取六藝以文姦言者安之於晉其大節如彼儉之於宋其大王魯國之事使臣珥貂所居稱殿何異取六藝以文姦言者安之於晉其大節如彼儉之於宋其大 為親貴固非安之比也蕭公雖有異志而謝朏褚彥回之屬初無從意齊室之建儉實發之至引梁 也安之仕晉始爲桓温司馬孝武之世政由温出搢紳顧望不知所爲而安與王坦之盡忠王室蔑。 主壻女爲王妃布臺省而列州郡者不可勝數亦猶齊之諸田楚之昭屈景氏皆與國同其休戚者 開 語哉何則自晉以閥閱用人王謝二氏最爲望族江左以來公卿將相出其門者十七八子爲 君子之論人觀其終身之大節大節喪矣雖有一時之美一日之長足以夸汙世而矯流俗君

林氏選評名家文集

寄而東山之志始末不渝形於言色則安之功名出於無意者也儉少時志在宰執見於所。。 及生子字曰元成取仍世作相之義則儉之富貴取於有心者也夫無意之與有心相去遠矣豈可及生子字曰元成取仍世作相之義則儉之富貴取於有心者也夫無意之與有心相去遠矣豈可 節 時之美一日之長夸汙世 如 此臣故曰儉實安之罪人心至於該洽經史明習故事工詞令妙威儀動爲名流之所稱所謂。。 而矯流俗者也君子何取焉安少有重名累年辟 召不至其後雖受朝 賦之詩。

王儉之不及謝安自是常解

自義熙以前題晉年號永初以後但稱甲子而已以此論之則儉之爲人蓋可見也。

同日而語哉宋初受命陶潛自以祖侃晉世宰輔恥復屈身投劾而歸躬耕於潯陽之野其所著書。

韓愈論

名家然總而論之未有如韓愈者也何則夫所謂文者有論理之文有論事之文有敍事之文有託 手後世道術為天下裂士大夫始有意於為文故自周衰以來作者班班相望而起奮其私。 臣 之文有成體之文探道德之理述性命之情發天人之奧明死生之變此論理之文如 聞先王之時一道德同風俗士大夫無意於爲文故六藝之文事詞相稱始終本末如出一人之 列御 知各自

周

之所作是也別白黑陰陽要其歸宿決其嫌疑此論事之文如蘇秦張儀之所作是也考同異次

舊 事。 聞。 · 駭耳目變: 不虛美不隱惡人以爲實錄此敍事之文如 心意此託 詞之文如屈原宋玉之作是也釣列莊之徼。 司馬遷班固之作是心 挾蘇 原本山川。 張 之辯8 極命草木。 撫班 馬 之實溫 比

屈 屬 宋之英本 之以詩書折之以孔氏此成體之文韓愈之所作是也蓋前之作者多矣而莫有。

愈後之作者亦多矣而無以加於, 愈故曰總而論之未有如韓愈者也然則 河莊 鯀 張。 班馬屈 備於。 宋之

流。 其學 術 才 氣皆出於愈之文猶 杜子美之於詩。 實集諸家之長適當其 時而已昔蘇武 李 · 陵之詩。

長 於 **心高妙曹植**创 劉 公幹之詩長於豪邁陶潛阮籍之詩長於沖澹謝靈運鮑 照之詩長於峻潔。 徐陵

態8 庾信 m 諸家之作所不及焉然不集諸家之長杜氏亦 之詩長於藻麗於是 杜子美者窮高妙之格極豪逸之氣包沖澹 不獨 至 上於斯也 · · 豊非適 之趣兼峻潔 當其 時 故耶8 之姿。 備 孟 子曰伯 藻 麗之

夷聖之清者也伊尹聖之任者也。 柳 下惠聖之和 者也孔子 聖之時 習也孔 子之謂 集 大 成。 嗚呼杜

氏 韓氏8 亦集詩文之大成者歟。

說 韓 氏 雖 未盡其妙文能以杜爲配先主後客亦文心之變 幻

李 W 論

臣 間。 有o 善o 聽o 無 良。 談。 有善 謀。 無利。 勢。 天下之勢善謀之則無不 利o 天 下。 之謀善 聽o 之。 則 無。 不。 良。 臣

林 **氏選評名家文集**

范•以 陽。為。 唐 室 王方鎭之息 至 5 於 百 有餘 年。 不 能解者。 其 解蓋始 。 於。 天寶之際 肅 宗。 不 用o 李。 泌。 之。 謀の 先

然 mo 也。 巴。 禄 何 則。 山 夫 帥 范陽。 范陽 専三 者% 殿 道 山 之巢穴 勁 兵。不 也。 徙 鳥焚其 者 + 有四 巢。 雖 年 矣。 有 勁 其 翮。 人 無 視 之猶子 所歸。 鼝 之於 失 其 **父也**。 穴。 雖 有 旦 絕 舉 足品 兵 無 犯 所 願。

天下 之人。 爲 反 房。 切 幽 攓 袂。 惟 恐 其 不 滅。 丽 范 陽之人獨 以 爲 主。 引 領 企質。 惟 恐 洪 不 與。 此 所 謂

家臣 不 知 國。 自 古 小 人 八之 常 情。 故 郭 子 儀 李 光 弼。 自 朔 方 起 兵皆欲· 先o 圖○范○ 陽回 丽 淡。 爲0 煎o 宗0 言o 之o

最o 悉。 此 蓋o 天o 有 下。 之。 利o 勢。 機 之₀ 不₀ 可o 失o 者。 也。 使 瀬宗能 聽 其 謀。 先 詔 李 郭 諸 將。 犄 角 而 取 范 陽。 胧 失巢

穴。 則 其 衆 自 潰。 兩 京 可 以 傳 檄 而 定。 兵亦 途 息 矣。 惟 其 不 用 泌 談。 是 災 慶 緒 思 则。 相 繼 復 起。 至 兇 徒

逆 黨。 久 稽 天 誅。 則 偸 爲 切 之計。 瓜 分 河 北 地 以 付 之。 此 方 鎭 之思 所 從 起 也。 昔之 取 天 下 者。 皆以

省 事 之地 爲 根 本。 故 雖 困 敗。 而 韶 復 振。 高 祖 之保 關 中。 光 武 之據 河 内。 魏 武 之完 兗 州。 是 也。 夫 范 陽

者。 亦 祿 山 之 關 中 河 内 兗 州 也。 方 共 陷 兩 京。 所 得 禁 府 珍寶。 輒 以 震馳 載 歸。 非 俗 至 铜 滁 山 思 NJ 為

聖。 後 + 七 车。 張 士。 洪 公靖 欲懲 王室则天了 其 事。 發 下之事。 慕毀 棺。 丽 衆 猶 哉。 不 悅。 以 至 於亂。 之復。 由 是 言之天賓之際。 居多。 、岩 非 唐

威 德 著 在 人。 No 范o忠 臣義 言之泌之謀 万心 不。 見o ル聴者多矣。 人其言王 可 胏 言 者之師。 柳 玭 常務萬 稱 兩 京 全圖 人安。 泌謀 使無 後害又言得 其 功 大 於 魯

則 贼 不再亂已而是 果然嗚呼使泌之謀盡見聽也豈有方鎭之思哉。

直搗其巢草薙而禽獺之則賊將當慄懼將不敢有分符之望言 唐之失不止不圖范陽尤在分任賊將有 祿山 而 田承嗣李 懷 仙諸 歪 切 人皆祿 ήı 流 山 也 H

白

臣聞 氏乎8 者。平 王允 以身許國何則於所厚者薄則所施無不薄也昔呂布為丁原主簿為董卓而殺原為卓之子又為以身許國何則於所厚者薄則所施無不薄也昔呂布為丁原主簿為董卓而殺原為卓之子又為 容誅矣孔子曰事親孝故忠可移於君事兄弟故順可移於長推此言之則背師賣友之人必不能容誅矣孔子曰。 何以私恩爲乎敏中之事未足深咎也臣竊以爲不然人臣能盡私恩然後能盡公義敏中之罪不何以私恩爲乎敏中之事未足深咎也臣竊以爲不然人臣能盡私恩然後能盡公義敏中之罪不 封 自敏中用李德裕薦入翰林爲學士及德裕貶敏中爲相抵之甚力或曰人臣事君公義而已。 不解曰非魏無 日。 此魏所以誅布漢所以屬平者也然則敏中之事蓋可見矣雖然敏中所以負德裕也。 興 而 敏中 周 殺卓及兵敗被執魏祖欲生之劉先主曰明公不見布之事丁建陽畫太師乎於是殺布。 盗悄主人主人何負於盜而盜憎之乎蓋自度其事必爲主人所惡故也白氏素與楊與卿 勃也夫以布之不忠於丁董也其肯忠於曹氏乎以陳平之不負魏無 知。 臣安得進上曰若子可謂不背本矣乃復賞魏無知其後誅呂氏而安劉氏 知也豈肯負於劉 亦有繇 漠

義私 權之而 宠。 之徒自度其事必爲德裕 焉。 也。 臣 姻 家。 恩 枚 使 恩適不兩全猶當以道權 重 日。 敏 居 言之德裕之薦敏中。 已。人 中素與 易 丽 、臣盡私恩然後能盡公義敏中之罪不容誅矣然則公義私恩適不 。。。。。。。。。。。。。。。 談輕。 義重 又與 則 仇。 面 李宗閔牛僧 恩輕。 不以公廢私若庚 **稻當爲社稷而救之**况因之以 則不以私害公若河曲之役趙宣子使人 惡。 孺厚岩 亦不 也。 放 其 輕 因。 重奈何 敏中 公之追子濯孺子抽矢扣翰去其鏃。 其勢盡力以擠之耳夫德裕忠臣 本 也。 無 無英 故 進也。 氣。 而 廢之哉。 、雖緣德裕以進而 然則敏中豈惟不 雖然逢蒙殺羿孟 以 其 也。 乘車干行韓 不能 發乘 忠於 以非罪被斥天下 無意於僧孺宗閔 兩全則 德裕。 子以 矢而 爲。 亦不 後 厥 如之何。 是亦 反。 執 是 忠 In 戮之。 羿 也。 於 皆 夫公 以 唐 展 知 有 是 道 罪 也。 共

推 度白敏· 中之心以 黨 牛 故 決為 贊 皇 所 惡似 非妄語文之援引 成 、案確 不 可 易

\pm 朴 諭

以

此

得

爲

無

罪

何 臣 Æ 有 閜 平。 補 適 識。 於 用 序。 世 而 之。 耶。 不 臣 窮 後而 者。 讀 五 下之真 識。 代 先。後。 史。 見 之要。 材 王 朴 也。 在於知敵之難易天下之敵: 材 爲 周 而 世 不適 宗決 用。 平 用 邊 而 之策。 有所 然 窮。 後 雖 非大而 知 有 朴 髙 者 世 堅則 之名。 天下 小 之眞 難 丽 能 脆 之行。 材 也。 也。 其 夫、 實 難 用。 庸 兵。 人耳。 易孰

林氏選評名家文鱼

陽王邑欲攻之嚴尤以謂昆陽城小而 之所以不隐尤者疑於難而 得吳則桂 可 人易動搖輕擾亂。 爲後圖蓋李氏雖據 知之所以不知者敵大而脆則疑於難敵小而堅則疑於易也昔漢兵圍宛邱光武以別將徇 廣皆爲內臣閩蜀 不能持久號為大國實脆敵 江南 之地二十一州爲桂 已朴嘗爲世宗畫平邊之策其言曰攻取之道從易者始當今吳易圖。 可飛書而 堅宜進 召之如 不至則 擊宛宛敗昆陽自服邑不聽盡銳攻之兵以 一廣閩蜀· 也。 烈 四面並 氏雖據 之脊然南帶 進席卷 河 東十州之面。 江東距海可 而平之必矣惟幷必死 與 中 國 撓者二千 爲境。 大敗。 然 之寇。 · 餘里。 左 有

常山 其 也。 是時中國欲取之也。 之險右 有大河之固。 譬如 北 沿土山操 有契丹之援其 利 兵為深山之中左觸虎 人剽悍彊忍精急高氣樂鬭。 而右 遇能 不可 III 輕 並 死。 刺8 则 為 亦 小 國實 先 虎 |堅敵 而 後

熊矣何以 以 大而 脆 則。 **虎躁悍易乘熊便捷難制**。 者爲易小而堅者爲難易者宜先難者宜後則 虎困则 熊必畏威 Mi 所以先吳而後幷也及皇朝受命。 逃困於熊虎 將乘 敝 而至。 形勢然 也。 四 方僭 放朴

偽。 次第削平皆如 其策非所謂天下之眞材。 而孰能與於此朴雖出於五代擾攘傾 侧之中然其器

鏕 學 術。 雖治世士大夫與之比者寡方世宗之時外事征伐內修法度而朴於陰陽律曆之學無所

不 定 欽天曆當世莫能 異而其所作樂至今用之而 不可改其五策之意彼民與 此民之心同。

准

十八

是與 天 意 同 契。 天 人 意 同。 則 無 不 成之功。 以 此 推之朴之所 知 者蓋 未 可 撒 业。 |使遺休 明之時。

世出之主。 則 其 所 就 者。 將 不 此 於 此 哉。

論 大 小 、堅脆卓 然 遠 霝 似陸宣 公 疏 中 語

陳 偕傳

夫既 偕姓 喜其畫且愛其爲人往往稱之然非偕之好 陳 氏。 南廣陵人家故饒財。 而 偕 與其 弟。 獨 心其言曰予從事於茲有年矣凡古今之畫不見。 喜 學畫其後出 技日 以進家日以微 逐以 為業士大

則 已茍有見焉雖敝嫌裂素之餘未嘗不學一不可於意輒復易之祗筆濡墨欣然忘勞蓋是 時

方以 與一 畫 **債於** 為事。 無窮之中 固 其 勢不 得不然乃今思之亦良苦矣且 Mi 我方沿 汨然隨 而 盡之可 不謂 物之有形如浮埃聚沫來無所從。 惑歟彼 好事 ·者又從而 玩之至竅 去 於 無 市笥8 所

精 且 不 制。 欲 不 椱 以 數 經 閱。 意 可 也。 不謂 叉曰。 有 大惑者 學於余者 衆矣余將教之必 % 貧無以給 使縱心之所勤。 衣食之奉命 聊復 垂 筆 俯仰 之所 於其間。 成。 IJ 觀 其 至 天。 於得失

一而 不 雅 者 有 矣8 疎 m 不 俗 者 有矣。 詳 略 得宜。 意氣 容與8 其猶若是又 卓乎遂若無與及 **児有貴於畫者哉** 者。亦 或 有 焉。 余 從 而 告

其後

當然

其後

當然

已而

果然夫畫固技

之微者也。

其子

直

躬。

亦

謂。 世 以 抑 倜 () () () () 售汙 亦得於人者耶將內雖不克踐其言而 神定意 其 史矧其有合於道德之要者乎於是爲傳其言以遺同好亦時觀之以自擇焉。 學。 俗者相去亦遠矣古之君子聞一言中於理必書之故漁人之所賦孺子之所歌皆得載 而 得。 閑。 所 言尤異皆曰。 固以異於他 限之所 好也元 0史其亦失元章 昔宋元 君 乃以為 君時 畫圖有一 君之意矣余聞而異之又從而思之豈所謂自得於己。 《真畫 其意 見 頗亦有志於是耶人固未易知然比夫衒技以夸人賈能 • • • • • • 史解 果安在乎有得於此然後 太槃礴。 元君 日。 是具畫 可以言 者 也。 夫 畫。 解 而 衣 槃礴。 或 者。那。 說以 固

陳直 物之工夫直 躬畫東坡曾題其上曰野鶴見人時未起意先改君從何處看得此無人態蓋稱 躬爲偕子尚見賞於東坡則偕之畫雖不傳之後而淮海稱之決非虛 語 其 體

魏景傳

前

從授鍊! 魏景。 權 害 至 景。 字同叟淮南高郵之隱君子也身長六尺骨如 則 丹鑄 凡 如 之何翁曰不然子以爲構中天之臺者土木未考則 五 世 劍 矣景問元翁曰余欲兼忘其方奈何翁曰。 長生之術元翁名碧天其師 日 劉海蟾。 削 海 石。 執 瞳子碧色有光。 蟾 之師 汝身守汝一。 能 日 無經 呂洞 平8 謹而 賓。 嘗賣 適千里 網於市 賓之師 勿 失景日 之國 者8 日 遇 車 執 華 鍾 害通守 馬 雛 Ш 權。 自

林氏選評名家文集

則 能 無 行 乎故將欲 通之必固: 執之將欲 變之必固守之此 其理 也。 於是景以爲然乃述 碧天之意

萬餘 言。 論 神 仙 事。 號太冲 子 云太 帲 子 · 白。 道 者 盜 也。 釋 者 識 也。 盗 天 地 陰陽 之機謂 之道。 識萬

物 之 理謂· 之釋。 甚 矣人心之神 也。 雖 造化 亦 無 加 焉。 今夫 天 八地之生物。 煦之以 陽。 肅 之以 陰然 後乃

成。 人 心則 不 然。 ---舉而 物 巴 生 矣。 故 天生 萬 物。 地 生 萬 物。 人 心生 萬物。 是故 人 心之 形 築 天 地。 陰中

生 陽陽 中 生 陰。 非陽 不 能 養 陽。 非 陰 不 能 養陰。 故 修 陽 法 者。 去 陰以 純 其陽。 修陰 法 者。 去 陽 以 純 其

陰。 陽 用 其 精。 陰假 諸 物。 此 陰 陽之 法 也。 水 之 性 潤下。 火之性 炎 Lo 衆 人 雛 Ŀ 而 坎 下。 枚 不 交。 人坎

上 而 雛 下。 故交炁真炁也。 氣穀 氣 也。 眞 人 八眞炁純。 衆 人穀氣 雜。 榊 仙之道 有 中立。 無 無 中 立。 有 死 而

不 亡者至矣一 身而 形二者 次矣不 死 不亡一身而 形不二者又其 次也。 其 大 略 如 此。 同 曳颖 脫 彊

記。 得於自然。 凡 陰陽 醫藥鍛 辣之技。 無所 不 精。 而能 諱其 術。 所以世莫知 焉。 頗解 屬文亦 工 一於詩。 共

贈 元翁篇 云。 幽 斷青 松骨鍊 盡 江月心。 佳 何 多此 類 也。 鳴 呼自大道 隱學者各師 巽 智。 鮮 得 其 本真。

是越滅 m 不 知生者為佛氏之緣覺。 趁生而 不 知滅 者。 爲道家之神仙二 |者不同 其蔽一也然比o

生。 乎余素與之友善別之且六年矣旣思 而。 行中 死而伏冥 然o日o 用。 而不 知者固有 共 人 間o Mi 矣o 如 不可見叉惜其 同 曳者雖不足以窺老莊之藩翰。 事泯泯不可概見於世如古之所 亦葛稚 川 之

謂隱逸者也乃撰次行義幷擇其言之雅者書而記之聊以致余之意云。

來蓋與 力開 知 子所謂古之眞人不知說生不知惡 也 真 寂滅導引二家断之以玄同 人蓋 化為體氣聚而 知用 心則 背道 生生 助天 為我時氣散 其解甚 則 傷生 死其出不訢其入不 高所謂 一故有所 丽 死死為我順 生 不 而 為同叟言多詞 行死 距偷 不 丽 然而 伏冥然 關 懐 費故 往 卽 所謂 偷 H 少遊以 用 然 冥 而 丽 水意 然 不 數 日 知 用 脫 老 語 胎 ÇD 而

心說

其

識

高

於同

之君子迷己於物沈真於 體。 ì 而 間 心 卽 本 示 已。 而 體 無 此 在 已 其心燠 說。 而 矣。 物。 有用。 說 此 然 之非心也雖本 其 則 心 物 其 日 敷 曰 散 非 之有 **為用即用** 也。 色我 非 心 也 示 偽。 而莫之見焉。 人因視焉: 無說。 心心不 在 我然則 而 而 在物我之間然則 有 體。 不得不有說默而 物 之有聲我思 體 目 用。 此 無 内 並。 心說之所以 視。 遊。 於不完 因 耳》 聽 無 心 神之與道 爲來 無所 內 窮。 作 而 聽。 在平日。 俱。 則 馳 也。 御之去則 止於。 神 目 全之說而 游精。 無外 無所。 惡得 視。 在 將 極。 物 耳 丽 明之與 之彼 無外 無在 者。 而 共 已。 唯。 聪。 也。 是 此 道散之其 爾忘。 雖 其 遗 心。 不。 心 illi o 物 忘 在。 已。 歟。 在 矣而 我。 形。 物 日 全為 未始。 非 在 我 之 我 也。 世

小氏選評名家文集

雕。 我。 虚 雖不。 一字者即之不親遠之不 在物未 始。 離。 物。 雖 疏。 不在物我之間。 萬 物方有則的 與 而亦未始離乎物我之間者此心之眞在 之有。 萬物方 無。 則 與之無。 俯 仰 消 息。 唯 也。 萬 響 物 之與 如 卼

夫 虚 一空之於 心猶 一星之於 天。 而 塵之 於 地 也。 及其 至猶 者是又况於心乎 哉。 是 枚° 卽。 NO 無。 物。 謂。

之。 卽 心有物謂 之情心 有所威謂之意 心有所之謂之志意有所歸謂 之思。 志 有。 所 致 謂 之處。 不。

故

合。 以。 止。 謂之魄配 神以行。 謂之魂與 神。 為一謂之精不離於精謂之**神此十者**入。。。。。。。。。。。。。。。。。。 別一出則

出 入。 無常 要皆以心爲。 主。 爾。 芣 ·得乎主 未 有 得 平臣 者 也8 是以古之通 学此者。 動爲 一氣靜 爲二儀。

不得 動 静 臣下焉 有萬 物。 鼓舞有 外形體忘始終者不 死 生若然者陰可以開陽 得友而 况富貴之儻來死 可以 闔。 天地 生之小變乎其不 可 以倒置。 日 月 可 ·以逆行。 能累 也 上焉 亦 明 矣彼 造 物 业 者

之君 子則不然知 其 曲 不知 其通安於近 而迷於遠有見於外者。 則 水心 於物。 有見於內 者則 求心

於我。 又其甚。 則 酸 形而忘其 (神以謂) 心者特在乎方寸胸 臆 乏間。 外 此 則 物 丽 已矣嗚呼。 其亦 不 智

也 哉。 3有人於此京 棄邑而取宮棄堂而 取室。 世必爲不智人矣是何 心所有者 小。 而所遺者大也心之

非特宮與室之微心之神非特堂與邑之廣而 所 取者如 此。 m 所棄者如彼豈不惑哉一人惑之。

國笑之一國惑之天下笑之天下盡惑孰笑之哉悲夫是皆不見心之眞在之過也由此觀之太

也。 見 無心。 17.8 而 者心 無所 有聖人之事也見心之眞在而無所取捨者死生不得與之變神人之事。 《取捨其次無心其次虛心其次有心有心者累物衆人之事也虛心者遺》。。 HI,0 嗚呼安 賢 人之

得神人而與之說心哉。

與在 其云 勝負皆出於心旣有此心卽不能淡然常得泊然無爲何能 此 人不 繑 無所取 注重在聖神二字所謂 矣變化 變 也 理 無常 捨死生不得與之變卽未始出吾宗也 本莊子之應帝 而 常 根 諸冥極 無心忘有者即太沖莫勝也沖虛不見優劣即不見勝負 王而少遊強之以己意頗足耐 未 嘗有外 未嘗有 宗根 外 則何 極 造於玄默故惟聖人始 人尋 所不 也 未 始出 在 味 任 即未 世 之變化 嘗 出 未 頹 能忘 靡 嘗 優 出 im 劣 則

答傅彬老簡

之錦綺絕妙天下蘇氏蜀人。 旨清 然僕昧陋不能具曉盛意。 彬 老 足下昨奉手教。 婉近世所希見 也。 所以慰誨甚勤並蒙錄示寄蘇登州書并題眉山集後尊賢善道。 |發函展讀殆不能釋手欽想高風益增企系屢迫賤事修報後時悚愧 中間 其於組麗也獨得之於天故其文章如錦綺焉其說信 有未然處輒爲左右具言之惟閣下恕其僭易幸甚 幸甚問 美矣然非所以 是發於誠心。 下謂 何已。 蜀

林氏避許名家文葉

五十四

稱 蘇 氏心蘇氏之道最深於性命自得之際其次則器足以任重識足以致遠至於議論文章。 乃其

與世 周旋8 至粗者也閣下論蘇氏而其說 止於文章意欲尊蘇氏適卑之耳閣下又謂三蘇之中所

願 學者登州爲最優此尤非也老蘇先生僕不及識其人今中書補闕二公則僕嘗身事之矣中書

之道如日月星辰經緯天地有生之類皆知仰其高明補闕則不然其道如己 元氣行於混淪之中萬 一公於京師。

不 物 然取其所著之書熟讀而 由 之而 不知也故中書嘗自謂吾不及子由僕觸以爲知言閣下試贏數月之糧。 精思之以想見其人然後知吾言之不謬也文翁哀詞。 調二 抒思久矣重蒙

尤增感馆時氣尚熱未及晤 見千萬順時自愛因風無惜以書見及幸甚。

示

東坡所長豈但文章少遊知東坡深故言之眞切

與蘇公先生簡

項蒙不問鄙陋令賦黃樓自度不足以發揚壯觀之萬一。且迫於科舉以故承命經營彌久不獻比

綠杜門多暇念嘉命不可以虛辱輒冒不韙撰成繕寫呈上詞意蕪穢無足觀覽比之塗歌野語解

門下之辱素紙一軸敢冀醉後揮掃近文幷芙蓉城詩時得把玩以慰馳情幸甚幸甚。 一笑可也又多不詳被水時事恐有謬誤幷太鄙惡處皆望就垂改竄庶幾觀者不至詆 訶。 以重

語近晉人

與蘇公先生簡

之情。 時文應舉三 寶藏 入京 畢。 終 摧 前 日 得 折。 如 因以應書。 忽忽 改官令某侍大父還高郵又安厝亡 欲布 首 某者實 記 肵 不 文誦 賜 再 復 拜去冬伏奉所 於 **書承用道家方士之言自冬至** 無 m 如 左右 家叔 向 書讀記想見公超然逸舉於 聊 無 賴。 來簡慢盡取今人所謂 **遂亦蒙見錄今復加** 所 者一日 本欲作 至今雖已改官。 有豊敢求異於時但長年颇慚為兒女子所嗤笑耳得公書重以。 書
消 賜教旋 復一 日。 至今不 义 人。 尚滯京師 李 事 工。 獻 如 無 時文者讀之意謂 一後。 屏: 果。 形骸埃墙之外雖欲從之不可得 嬸 間 市 水應率 未還。 | | | | | | | 過 斷。 可笑也。 去人 此。 而 一時矣但 甚 老 在 自 [春已來] 幼夏間 揚州。 事室居四十 得 想公常悉此意矣即 興 《居之詳欣慰》 且 亦不甚難及試 恐南省所 多族 尤復 買 地趁今冬舉葬入 慢擾家 病。 九 日乃出。 取又不 更遇歲飢聚 何 叔自 ij 就 又李漕 心辱 同。 其 勝 H 爣 初 會 言。 體 (夏又為) 海渝。 寒。 族 稽 葬 作 只 數首輒 欲 四 得 如 親 傳 地老之命颇有 干 此。 且 到 惟 替。 上 介 諸 狀。 恐十有 尊 便 城 口。 有見推 食不足。 勉强 弟辈。 候 道 都 ďΩ 萬 大 収 H 自 科

林氏選評名家文集

म

得

也。

前寄呈亂道。

繼

亦

作得十數篇未敢附

上子駿以公言。

願

遇甚

厚嘗介

作

揚州

集序。

幷辩

事。某 才 串 謂 相 卻 已 」断吟詩聞記 豪傑問 乞弁此 聚 也。 法 甚款未 莘老云有**兩**書託公擇寄去不知 來歲東歸時庶幾到徐見之也黃魯直 師 見囑作 出之士也但恨去速不得與之從容。 書 嘗 轉 說後來已復破 龍井記言師屬作雪齋記二記皆黃魯直爲書已刻成尚未寄到今且錄草去因便 無一日不數十次及公昆仲也。 到高安先生處幸甚幸甚子駿以保任 戒 矣某數日間 曾有書去否渠云非求答但欲知達否爾昨過此 便西行末綠侍坐伏乞與 去 年過此 多家在 雖不求揚州爲公作黃樓主人。 所為 不當罷去等 阿育 王山 文尤非普時 1 璉老處 老復固辭 (時自重) ?所見其為 極得所比亦 不來此 下慰瞻依不宣某再 亦是吾黨中 人 亦 亦是 有書 稱 不 來昨云 多日。 無聊 是。 段 眞 所 佳 然

述瑣事初無俗調

與孫莘老學士簡

甚 間。 幸 而疲 甚。 首司 比 諫 頓 日 伏 學 非 常氣息 惟 士 丈 鎮 (丈) 屢奉 撫 餘暇。 僅屬人事殆 奪候 所 賜 萬 数。 福某自入 海慰 廢起居之間曠然不進於下廛職此之故前書聞 殷勤。 夏得中暑疾。 雖父兄之於子弟無 去之不時至秋途大作 以 過 此。 仰荷盛 伏 意。 姨婆縣 枕 不復 踰 月今雖 勝 服

樂甚人徐氏弟兄及妻子皆憂撓不知所爲近聞得僧法賓者調治巳平可勝忻慰南方險遠風氣 固非人所安然丈丈行已二年北歸之期甚近更善調護數月卽達中州矣越州祖父得書甚安頃

得書然昨蘇子由著作過此及南來士大夫俱云在黃甚能自處了不以遷謫介意日但杜門蔬食。 蒙教以先至會稽迎侍祖父還家家叔徑入都甚荷盛意已封所賜教取稟於越州矣蘇黃州雖不

尤詳某雖不肖請終身誦之矣自越歸後頗無事幸不廢所學但久去門下聞見日益昏塞雖復區 誦經讀書而已昔之論者常思其才高太銳今日之事尤足以成其盛德也前日辱齒及亂道誨喩

卒無所得耳詩文數篇巖錄呈左右因風更乞指喻教育之賜幸甚幸甚。

區。

晉人小簡多言俗事而偏不俗由胸次高尙耳此書乃酷類晉人

與黃魯直簡

某頓首奉達甚邊殊不盡所欲言者每覽焦尾弊帶兩編輒悵然終日殆忘食事昔人千里命駕良 妙絕來者雖有作不能過也及辱手寫龍井雪齋兩記字畫尤清美殆非鄙文所當已寄錢塘僧墓 有以也歲暮苦寒不審行李已達何地奉惟榮養吉慶昨揚州所寄書中得次韻莘老斗野亭詩殊 入石矣幸甚幸甚比又得與州所寄書及手寫樂府十月十三日泊江 口篙諷味久之竊已得公

選評名家文集

寄 江 詩。 上 之趣 智和了今錄 矣。 端叔 其 後公 副 寄上。 十數日遂過此南 所要子由 金 山 詩。 如 弁某所 晉陵爲留兩 見公擇李六不知相從幾多時恨不同 剧 和 者今奉寄 日斗野亭詩。 八音歌。 八 音二十八合歌。 次間 斗野 亭黄子 并公所 理

就 畢杜門忽忽殊無佳意。 何 時展晤。 以盡所懷疑 願與時自愛千萬千萬 不宣某再

拜。

此

华

也。

歲

餘

億梅:

花詩。

凡四首。

亦隨以呈際

聊發一

笑耳皖口見

魯 直 小簡甚佳 此作 亦有意追慕之

與 蘇 子 山著作簡

某頓 首再 日苦寒伏惟尊候動止萬福某受性庸昧與世異馳昨迫於衣食溫出應舉僥倖萬一之 拜著作先生頃過南都幸一拜清重扁舟東下迫於同行不 **獲款聽緒言以熈所** 願。 但相

於悒耳比 遇。 旣 而擯 棄乃理之當然無足道者顧親已老田園之入殆不足以供朝夕之養犬馬之情不能。 無

亙 變耳此 外亦復何恨惟先生不棗時教之以書使無聊之中有以自慰幸甚幸甚末綠侍坐。 伏乞

為國 自 頤。 以 副 與願。 不宣。

某再 幽宮不爲莫服而不芳某雖不 拜。 不肖之迹雖復爲 世所 ·敏鞽事斯語但鄉間士子類皆從事新書每有所疑無從考訂。 棄。 杜門謝客頗得專意 讀書。 **衡茅之下有以自適古語有** 之關生 而先

生長者皆在千里之外以此良悒悒耳比因冬後輒爲古詩一首寄獻下執事繕寫以呈雖詞 迫不足以道盛德之萬一然區區之慕望庶幾於此少見之伏惟少賜覽閱幸甚幸甚。 意鄙

文頗矜重

與李德叟簡

某頓首昨得遞中所寄書甚慰馳仰尋欲作報會得傷寒疾甚重不食七八日伏枕又踰月乃平途

省出仕官所與游者無一二人杜門獨居日益寡陋秋間本欲一至黃州因過舒奉見不意遭 因循至此黃魯直去必能道所以然也歲莫苦寒伏惟奉養吉慶某去年除日還自會稽。 鄉里交朋。 此

病途不能遠去親側頗負平時區區之意夫復何言別後所論者想甚多殊不寄一二何也然觀所。 疾

枉書詞翰妙絕足以知他皆準此矣仰服仰服魯直過此爲留兩日雖忽遠不盡所懷然有益於人

多矣且弊帚焦尾雨編文章高古邈然有二漢之風今時交遊中以文墨自業者未見其比所訓珠

玉在傍覺人形穢信此言也末綠展奉願與時自重慰此馳情十一月十五日不宣。

簡約有致

奥黃蘇州簡

林氏選評名家文集

五十九

淮 拺 华 H

某再 拜自聞; 被旨 入都遠近驚傳莫知所謂途扁舟渡江比 至吳與見陳 書記錢主簿具知 本 末之

詳以先生之道仰不愧天俯不怍人內不愧心某雖至 愚亦 知 無 足憂者。 但處 道途 頓椒8 起 居 飲

O

之失常是以 西鄉憫個 有兒女子之懷殆不能自克也比聞! 行李已達齊安燕居僧坊水飲 就食有

以自適然後 私所念慮。 切俱亡且知平 時有望於先生者為不謬矣彼區區 所謂 外物者。 叉 何足

爲左右道哉本欲便至齊 、安屬久離侍下未可遠適問道或在秋杪也惟親近樂餌。 方書以 節 宜

和

氣臨紙於悒不盡所懷。

此 書願 有 情文

與參寥大師

簡

某頓 首懶慢滋甚不奉問幾一年中間屢蒙惠書賜責亦不加切。 參家師真知 我者也幸甚幸甚僕

自去 年還家人事擾擾所往還者惟黃子理子思家兄弟子思又已分居困於俗事。 **き贈毎行**

得數 日從遊此外但杜門塊處而已甚無佳與。 至秋得傷寒病甚重食不下咽者七日汗後 月餘。

粥畏 ·風如見俗· 人事事俱廢的 皆綠此也比崇錄 示黄州 書幷跋尾 幸甚觀其詞 意。 憂 思固 未足 以干

其 中冷 愈令人畏服爾僕所題名此卻無本煩燭聰師寫 一通相寄爲望仍並蘇公跋尾前 所寄者已

說秋 後亦 有力遊飜去且錄數篇嘗一樹。 已到天長矣黃魯直 僕頃不自揆妄欲與之後先而騙今乃知不 黑為 通 此 明 如 一憂遠方罹力 之游來此 叔温 墓勒僕自病起每把筆如 初 未嘗得書渠在 去當 僕近 毗 妙中間更未安及不是處但 嘗 陵 過 至湯 取 日 此。 去矣昨聞蘇公就移滁州然未知實耗果然甚易謀見也蓋此去滁纔三程。 無 相見極歡 偕往。 泉到 也。 好意思。 此 頃聞公 嗣 近從此 寄老庵 故。 揚州 瑯琊 阴 殊可 淹留甚久時僕值寒食上家故不得往從之耳幸老壽安君竟不起。 山水亦不減雪資天童之勝子由春間 年 不 揚州太守鮮于大夫蜀人甚賢有文僕頗爲其延禮有 傷 文 作 赴太和令來 見顯之恨不與吾儕同 詩。 儲不 足知一鼎味也又為僕手寫兩記个封去如 也。 應舉方欲就舉子學 傅 語就改· 知 師 小 何謂。 巳 聞 詩 相 訪爲留 之若開得成屬二師各寄數本李 奉戲又已復破 得此公為我曹殊增氣也。 及遠甚其爲人亦放此蓋 作司農簿聲聞 兩 此樂顯之恐十數 時文恐未有 日得渠新詩一 **松戒矣可謂** 籍甚恐旦夕得一美除公擇近亦得 過此相從三 好言 語今但 其字差瘦更爲潤色開 編高古妙絕吾屬 江 日 熟處難忘 間。 南 辨才無擇耍人石。 第 來此 南 為渠 端叔 日。 唱 等人物 僕送至南 爲十數日之會。 也。 取 聰 和 在 字 師 詩 楚。 **造音問不**紹。 數篇。 公便可 心黄 未 日 有 有 聞 埭 掛 洪北。 時命 便可 詩未 -j-今餘 m

用

虀

比

陽可傷朋友凋落如此獨有僕數人朴鈍落魄者無恙又多病少佳意人世良可悲耳何時合丼以。 取楞嚴所謂聞復翳根除者也錢塘多文士可求人為作不必須僕也蔡彦規已卒關中今歸葬山

此簡中敍無數事卻隨節斬截自關筆妙

盡此

懷不宣。

弔餺鐘文

爲其形有兩學如合兩瓦面左右九乳總三十六牙鼓鉦舞鋪衡旋斡之類考之不與禮合者無幾。 **嘉魚縣傍湖中比歲大旱水皆就涸而夜常有光怪赫然屬天鄉人相與誌其處而掘之得古銵鏡**

縣介施君

歐陽詹聞而弔之以詞予悲夫鎮鐘古樂之器先王所以被功德而和人神審音之士至 畜之不祥也亟命投於兵器之冶嗚呼物之不幸有如是耶昔九江吏盜顏忠肅之碑材置其所述。 有损車鐸

於空地而求之者非若九江碑材因人而貴也而辱於泥塗無所自效遇其非鑒以觸廢毀好古之

士焉得默默而已乎乃作文以弔之詞曰。

嗚呼衆方之生髎形殊器更首迭尾雌雄相廢朝爲姬姜夕爲憔悴或奇偶之相續或九舛而

清餓 和 翻刑王 眇貴生 噴失明。 得駿折髀洞所遇之參差莽循環於一氣傳 ?白黄鐘毀棄瓦 **公金雷鳴**。

余始以爲不然今乃信之矣嗚呼 鳟鐘何世所為質不呈剛形不露奇協律 中度運 如 天資施 抑雌

漫。人。 厭 不 不見瑕疵爰有兩變三十六乳厥音琅然小大隨叩。 曷所挺之瓊偉 而偶沈 於幽 陋。 辱泥 塗之汗

麟嚴之腥臭嗟筍簴之一辭違月絃之幾彀幸陽愆而 水涸天日 忱 其復 親 謂 庭 貢之是充礎

效 鳴 於金奏何夜光之暗投卒按 劍而莫售嗚呼赤刀大訓天球河圖秦璽漢劍趙壁隋 珠键為之

聲汾陰之鼎曲阜之履天澤之弧。 歷世相傳以華國都下至威斗錯 刀羯鼓之枹。 破鏡缺符遺簪題

珥信無益於經綸猶見收於好事是鐘也郊廟所薦樂之紀綱統和元氣舞獸儀凰令大河。 而更清。

使 左角其不芒變化風俗返乎羲皇而 乃廢於深淵出而遇毀殆澡盤之不如矧牛鐸之敢企此錢

夬志士所爲疾心

而切齒也然余聞之陰精之純燥氣之裔雖從火革其質不變一晦一明昔者旣

然價 以周於用乎豈爲餞爲餺爲銍爲釜以供耕稼之職將爲鼎 而復 起可無 畢年嗚呼鐘乎今焉在乎豈復爲樂激宮流羽以嗣其故乎將憑化而遷改象易 爲鼐以效烹飪之功乎豈爲浮圓老

子之像8 制8 機然瞻 仰於絕素乎豈爲麟趾麋蹄之形翕然玩於邦國乎豈爲干越之劍氣 如 虹霓掃除

妖氛於指 願之 間乎將 爲 百鍊之鑑馮如 (止水別妍醜於高堂之上乎 新放 相代未始 云墨 紛

林氏選評名家文集

銀条条窓

途必有一出決不泯泯草亡木卒嗚呼鎛鐘又將奚如

豈止惜一鎛鐘亦寓悼惜人材之意

遺瘧鬼文

H3 滞 戯 土。 秋 得 **凌禧之疾發以景中起於毛端** 伸欠乃作 共 始 也。 凄風。 轉。 前。 酒 然。 人。 共 少消 也8

冱。 復。 · 整陰崖單衣? 與。 《欲挾斗杓東適 犯雪龜穹蠖屈奄奄欲絕寒威既替熱復大來畢。 渤澥酌以注险。 · 未足爲快徂酉盡戌淟然霑汗然後乃已於是處 方媒。 蒜。 回 脉。 闘。 災躁外渴中 土乃澡 心心感。

斥聰 籍。 跳頭 明枕石 而進8 曰嘻良苦惟子昔年學道名山把握風雷與斗爭威吏兵雲屯使者火馳呼吸元氣懸 藉茅偃於洞 房疲極了 而寐夢五 五鬼物異服**並** 、醜形朱丹 其髮運斤鼓橐縻綆注份揮以大

鬼以嬉8 我屬蓄忿怒候間隙之日久矣孰為爾來荒唐是師跅弛是友果於 自為橫心卑口跑世

下金鎔 於是處· 士驚遽若失所以對者衆鬼大笑處士叱之曰來汝鬼物向吾示汝神明之機天 收

為未然乃今信之蹇吾妙齡志於幽玄明師我違以溺奇偏疑信相寇於茲有年披收氛霧乃覩靑 戚其文七緯十精亡失光燿而汝朋儔漫不復省瞽矇之前藻繪徒施。 。叩宮流徵 而職者 多知管以

天樊然故藝一夕棄捐。 跃食酣寢以還本源若夫嬪御如雲珍貨山 l積後房彈: **吟秀色可** 食。 馬有

車 一有貮。 人所同 好吾亦無避久宦 無成家徒壁立彈劍而吸援琴自慰風埃藍縷兒女所 羞。 人所

經緯星辰啓陰閉陽何獨迷繆自喪耿光依憑草木為此不辭於是衆鬼相視失色涕泗交頤呿而經緯星辰啓陰閉陽何獨迷繆自喪耿光依憑草木為此不辭於是衆鬼相視失色涕泗交頤呿而

不合悔其所爲稽首再拜稱弟子而去處士寤亦失厥疾矣。。。 此 脫胎送窮之文奇警黔黑滿紙突兀自是才人極筆首一 段寫摣之狀僕則

五次答之一

差謬眞善於體物矣

代 祭韓康公文

嗚呼。 入爲上宰厥有丕續盟府是藏出爲長城臨制萬里姦變銷亡伯氏仲氏迭秉國鈞榮莫與亢 我宋受命網羅拳英諸夏用康百餘年間。 異人間 出左右辟王公以盛德出入四朝文武自將。

事畢奉身而是 退與道劉翔歲在執除发請於朝言還許昌百官奉旨祖道供張於國之陽證未及行。

功成

遊 即窀穸漠然聲光二聖震驚法駕臨奠哀動 同行哲人其崣實舍于許里門相望遲公之歸執餠

稱壽公堂承計泫然涕泗橫集精遊出疆許道如 砥喬木交覆北通大梁不見安與乃見喪車。

林氏選評名家文集

六十五

淮海集選

八具藍傷悲來填脂餅不成文聊侑一觴。

此 祭獻肅文也 公諱絳封康國公所謂伯氏仲氏並及仲文持國也

李狀元慕誌銘

邦自嘉祐中舉進士數爲春官所卻至是始獲奉大對於庭上刺六經之文旁獵百氏之言下通當。 元祐三年春三月上始臨軒策有司所貢士被選者凡數百人而廩延李君爲第一君諱常寧字安

世之務其詞奧衍有漢唐之遺風進御一讀遂爲舉首天下莫不異之是時朝廷者老謀王體斷國

論者皆累朝舊臣君於斯時年踰知命襃然得雋於翰墨之場世以爲萬戶侯如以契券取也。

而君

釋裼授宣義郎簽書鎭海軍節度判官是歲六月以疾卒享年五十有二有司以聞詔賜錢三 如其家天下莫不悲之君困於科舉蓋三十年其得名官纔數月爾嗚呼何起之難而僨之易耶然 一十萬

君子疾沒世而名不稱焉君以諸生崛與名動海內其視碌碌無閒而歿者。 亦可以無域君結 髪學

問。 晚 而 彌 | 勵事親孝於二弟友愛為人恭儉潔廉其取予一毫不妄也會祖諱益祖諱知進世 居開

封廩 雖除君喪猶布衣蔬食以終其身平生端烈類如此子二人長曰殉有學行次未名女二尚幼以卒 |延不仕考諱永昌始仕爲從事郎鼎州司戶參軍夫人秦氏先大夫承議之女也後君四年本。

之年葬於開 封府 ·雍邱縣大善鄉裴村西谷山林之原先府君之兆初君襄專期 迫不 暇納幽堂之

銘逮夫人附葬始鑱銘而納之。

銘曰。 何殊同於空虛隋渠之壩杞國之疆佳城蒼蒼刻文是巖。 **吊者在閭胡亟只且世為嗟吁如霆忽厲風雨奄至俛仰而闕孰知其自大椿久榮朝菌暫敷竟復** 帝初臨軒策士於庭有器晚成冠我羣英大道孔夷其御又良閶闔玉堂行矣翺翔慶者在門。

文極嚴潔銘詞亦淒咽動人

徐氏夫人墓誌銘

男五人清臣良臣堯臣舜臣禹臣堯臣舉進士以學行聞舜臣應天府軍巡判官監楚州五称鹽場。 歸淸河張氏爲內殿承制諱文英之夫人治平三年閏月二十八日以疾卒於京師享年五十三生 夫人姓徐氏。眞州揚子人供備庫副使諱昌言之孫太子左淸道率府致仕諱守約之女年二十一 義而從之故や人未及封而卒後二年以恩始追贈壽昌縣君。 坊里承制君之嘉承制君元配劉氏無子早卒旣升朝故事得封妻爲縣君夫人請先劉氏承制 女二人長適進士王構次適進士王諤早卒以元豐四年十月癸酉祔葬於揚州江都縣東與鄉馬

小氏選評名家文集

ス十八

銘 俊 不 髦亦澤之餘崑崙之西。 妆 日懿懿壽昌女子之師渾然平夷不妄笑嬉初在 瑕 疵豈伊 旭勉天實: 岡阜蟠踞鑱詞幽 我資承祭奉賓事嚴且飭以身先之疇敢不力旣美於躬又相其夫子多。 墟以照不腐。 厥家孝謹是處逮嬪德門益 踵前武維親 及黨。

清簡有致

夫 夫 邑。 殆 雕 月某日也元豐六年天子有事於南郊夫人以承議君陞朝恩 俗。 越之著姓。 嗚 人 人驗八年而卒卒後十年葬於山陰縣野人原其舅朝議公所生母袁夫人之兆實熙寧三年。 而 無 || 葬時迫其幽堂之銘實尙未刻子與予故人也願爲論次其事將穿其嘉前而納之以致予怠|| 一人失其意者不幸短折以死生一女嫁進士史安術比巳死矣余深悲之幸蒙明恩追錫封 呼夫婦俗薄久矣仙源之歿幾三十年而君尋釋悼念眷眷不忘如初非風義之厚出於天性。 姓虞氏譚麗 旗 時予將赴汝陽治裝游遠雖許 氏 大人墓: 世以財雄亡妻婉嬺恭儉如出寒素之家仰事舅姑旁接內外之宗姻下撫僮使之衆 誌 華。 越州 銘 山陰人助教昱之季女年十九歸同郡陸氏為承議郎知高郅縣事 其作而未暇而 君每見余輒以仙源之銘爲屬至於八 封仙源縣君云承議 君嘗謂予曰處 九而 化之 不

何 以 至 此 那8 乃爲之銘 日。

惟

夫人胄東陽嬪德門家有光命雖絕慶未央刻斯文誌幽荒 與氏直 常婦 人 本無 可紀以 陸承議之言嘉其有 情 m 爲之辭末數語颇有

瀘州 使君任公嘉表

不過二 元豐中朝廷治西南乞弟之罪至於斬將帥絀監司兩蜀騷然四年而後定余嘗怪乞弟裔夷耳兵 千人非有冒頓強悍之威結費狡險之謀蛇豕微種乃爲邊患如此及觀瀘州使君任公爭

大義。 遊然後知累年之役實部使者為之裔夷何足責也任公諱伋字師中眉州眉山人少學讀**醬**通其。。。。。。。 治章句。 性任俠喜事與其兄孜相繼舉進 第知名於時眉 人敬之號二任而蘇先生洵。

士中

不

尤與厚善熙寧某年其察訪使熊本萬知瀘州州上 接僰道下連南平控引蠻夷千有餘里如甫図

箇恕羅氏鬼主沙 取諸郡皆歲來互市。 而守將任輕無節制之權非有奇略遠謀則不 ·幸往往有事

歐羅 胡 至威信大著夷夏便之歲滿當更詔留再任此滿又特轉一官留之元豐二年納溪砦互市有。。。。。 荷里 夷 人死者故事漢人殺夷人旣論死仍慎其資謂之骨價時碧將欲勿與夷人大志。

出公馳至境上。具以嗣福 曉之相與投兵請降亂者八安其六旣聽命矣而轉運判官意與公

異乃移瀘 本 州 熟戶 州不與措置事專為攻討之計公爭弗能得乃歎曰邊患自此始矣卽具奏言羅胡。 夷 也比因殺傷求索骨價爲侵境上故是常事與異時生夷反叛不同臣 招 納 垂 墨。 而 里。

使者貪 (功生事) 卒不果上七月詔涇 因欲討之臣恐窮迫 原路副總管韓存寶以陝右兵五千人經制其 無所竄伏轉投生界則甫望箇恕諸 部更相 結連。 資在瀘攻羅 益 脚 張 而 益性

制矣會女孫 里滅之諸夷鷲潰果奔甫望箇恕其年冬箇恕之會乞弟遂稱兵反皆如公所料云初乞弟 事存

胡茍 納 溪砦互 市還過江安縣縣命犒之旣去數十里遣親信楊節一毛以一 馬謝命命辭不受。 二毛去。 自

至夷 牢 口為土夷所邀一毛死焉楊節者本嘉州卒吏避罪亡入夷中夷人愛之用事號: 為羅判。 歪

是節 自度不免乃以矢房中乞弟所入馬二千緡券來降公以中國不失信於小夷宜。 一斬節 歸券實

之罪則乞弟憚威 而懷德矣。 而轉運使固執不從三年乞弟果以一毛爲辭入寇路分都監

王宣以兵二千人禦之戰於羅箇牟國為賊所敗宣與其子某及裨將十有四人死之於是詔韓存

書怒甚。 以 陝右 更遣 兵五 環慶路副 一千人經制其事存寶至瀘逗留不進陰使人誘乞弟以書降邊分屯奏功天子得 總管林廣代之命御史何正臣中人梁從政至蜀雜治獄具斬存實於瀘州。

軍 韓承式於海島除轉運使董鉞名四年廣進兵抵乞弟之巢賊空壁遁去廣不得已竟納其

以 m 開 湿。 邊田 天子亦不復實矣自是瀘州 赋生稅爲請天子一切不許而 守將始加沿邊安撫之名專治軍政部使不得輒與。 西南夷復安堵矣由是言之前日之役豈非部 未 使者實 幾使

復

使者不法事關瀘州十有五條上之使者薄邈不知所爲卽誣奏公乞弟過江安時不時掩鑿乃延 為之初公旣奏羅胡苟里之事雖不果上而使者聞知內銜切骨日夜謀中公以法公知。 其謀。 乃錄

儒生講書疑有私謁朝廷疑之乃先免而下章於它部各窮竟所考未具而公旣卒矣時當途者以儒生講書疑有私謁朝廷疑之乃先免而下章於它部各窮竟所考未具而公旣卒矣時當途者以

之其通守齊安也嘗遊於定惠院旣去郡人名其亭曰任公時蘇先生之長子翰林公軾以證。 **公旣歿爲使者地公之子大防三詣闕上書陳寃狀獄不敢變使者竟免公爲吏通敏吏民畏而愛**

安人知其與公善也復於其側為師中庵曰師中必來訪予將館於是明年公卒郡 人聞之相 與哭

遷齊

於定惠者百餘人飯僧於亭而 公遊聞二任之風 **人矣後爲汝南學官始識大防於是得公之行事公以元豐四年三月二十** ::祭公於庵] 而蘇先生之少子中曹公翰復爲之記余皆從 翰 林 四日。 中瞥

卒於遂州 、西禪佛舍享年六十有四六年五月二十二日葬於光山 縣淮信鄉午步原其世系官邑。

御史頓 君既爲幽堂之誌此不復著著其瀘州之事與誌之闕不書者揭於墓原以備史官之擇云。

通幅為任公理柱入手卽痛斥部使者之開邊敍任公兩次定策皆不能用且含寃至死文

林氏選評名家文集

稚

於字裏行問 皆寓怨憤其使氣處較蘇長公公遜然提挈安頓亦 自有法

書王閩事 後文

子稱 古之世有不去商紂之虐君以從周武之聖臣而守死西山者其人曰伯夷伯夷者孔子稱爲仁孟 爲 聖不在乎學者能道之也古之人有不愛刳身戮尸之思以求盡忠極節於其君者其 人曰

稱而其名亦不獲自附於伯夷比干焉學者亦不可不道也當燕人之破齊齊王之走莒也臨菑之。。 之封引身卽死以明君臣之大義而求自附於伯夷比于之事者其人曰王蝎王蝎無孔子孟子之 比干比干者孔子稱為仁孟子稱為賢不在乎學者能道之也古之人有不愛將軍之印不願萬家

地汶篁之疆爲齊者無幾也齊之臣平居腰黃金結紫綬論議人主之前者一旦狼頗鼠寬分散四。

耕於野口未嘗食君之粟身未嘗衣君之帛獨以謂生於齊國世爲齊民則當死於齊君乃蛮身守出不逃而去則屈而降無一人爲其君出身抗賊以全齊者方是時王蝎齊之布衣也積德累行退。

大節守區區之畫邑以待燕人燕人亦爲之卻三十里不敢近其後燕將畏竭之賢念蝎之在。 滅心數爲甘言昭之曰我將以子爲將封子以萬家不者屠畫邑蠋曰忠臣不事二君貞女 而齊

不更二夫國亡矣蝎尙何存今劫之以兵誘之以將是助桀爲虐也與其無義而生固不若烹乃經

林氏選評名家文集

尾使蝎之名僅存以不失傳而不足以暴於天下甚可恨也且 。。。。。。。。。。。。。。。。。 然不顧以報一 當特鲁之 屢書之 以破萬 此未嘗不爲燭廢書而泣以謂推蠋之志足以無懷於天無怍於人無歉於伯夷比于之事太史公。 數戰不亡而 者乎於是乃 見後世後世亦從而 収容非有死國死君之行朝為楚卿暮為秦相不以慊於心太史公猾以其善說也而。 **看以** 蝎之事者獨不當傳之以附於伯夷之後乎噫昔者夫子作春秋其大意在於正君臣嚴父子使當蝎之事者獨不當傳之以附於伯夷之後乎噫昔者夫子作春秋其大意在於正君臣嚴父子使當 於木枝自奮絕脰而死士大夫開之皆太息流涕曰王蠋布衣也義不北面於燕况在位食祿 其有義也而爲之立傳以見後世後世亦從而服之曰壯士蘇秦張儀陳軫犀首左右貿國以 田駢愼到接予環關奭之徒迂闊之士也猶以爲多學而附之孟子然則世有殺身成仁如王 正父子嚴則 田單本能因其民心奮其智謀卻數萬之衆復七十餘城王蠋激之也始予諒史記至 相與迎襄王於莒而齊之殘民始感義奮發閉城城守人人莫肯下燕者故莒卽吳得 言一飯之德非有君臣之讎而懷七首袖鐵椎白日殺人以喪七尺之嫗者太史公 春秋不作矣後世愚夫庸婦一言一行近似者皆當筆之春秋况夫卓然有相 服之日奇材以至韓非申不害之徒刑名之學也猶以原道附之老聃淳于髠 世 夫聶政荆軻之匹徒能瞋目拟臂齊 ·· 為之立傳以

推 猾 築 選

世教者得無特書之屢書之乎此予所以爲太史公惜也。

凡 論古之文有關係者亦不過一二語此文浩瀚 流行極力馳騁讀者目迷 五色乃不知其

關係處在田單之復齊由王蠋激之則蠋之於齊關係爲不少矣有是大關 少游爲之書後卽韓公之傳許遠歐公之傳王鐵槍也文人讀書得 係 往往爲不可 而 史公不爲

間

磨滅之文字如 此類 者是 JI.

傳

故

杳 **一瞬川圖** 後

元酤丁卯余爲 汝南 郡學官夏得腸癖之疾臥直舍中所善高符仲擴摩 詬 朝川 圖 示余。 閱 此

以愈疾余本江海人得圖喜甚卽使二兒從旁引之閱於枕上怳然若與摩詰。 入 輞 川度華 子 岡經

孟城均愈 朝口莊泊文杏館上斤竹嶺並木蘭砦絕茱萸沜躡宮槐陌窺鹿柴返於南北垞航欹湖。

戲 柳 浪濯欒家瀨的金屑泉過白石灘停竹里館轉辛夷塢抵漆園幅 th 杖履基奕茗飲或賦詩自

娛。 其身之匏繋於汝南也數日疾良愈而符仲亦為夏侯太沖來取圖途題其末而歸諸高氏。。。。。。。。

信 手 拈 來初 不經意然頗無俗調

髙 無悔 跋尾

對日永樂羌人必爭之地 動以萬計與其兄館使皆爲幾人所推號二高云元豐五年延帥與二詔使城永樂問 將家子爲人沈鷙有奇略習知幾事結髮與羌人戰大小數十遇未嘗敗北斬級捕虜狹牛局 m 無險阻 無水泉一日寇至何以能守詔使大怒以爲沮議遺歸延安旣 於

城永樂羌人數十萬奄至城中戍者纔三萬人館使謂 韶使日虜衆十倍於我若其盡至不可當也。

我嘗破其衆於無定河川今前除囂甚有懼我心及未定聲之雖衆可走詔使不許曰王者之師不

鼓不成列館使以足頓地曰事去矣已而城外圍數重諸將出戰無生還者俄奪我水寨城中穿井

有古良將之風惜乎詔使之不能用也元肺二年余爲汝南學官被詔至京師以疾歸無悔亦以失 數十皆不獲泉士卒飢渴困甚不能執兵城遂陷二韶使及館使皆死之於是議者皆以二高料敵。

木無悔瞋目熟視髮上衝冠人多怪之余二人者自若也無悔一日出諸公所與尺牘自韓魏公以 邊帥意徙內地鈴轄此郡兵馬日相從於城東古寺日飮無何絕口不挂時事余酒酣悲歌聲殷林

下百餘番屬余跋尾余欣然濡筆因以永樂之事載之庶幾見諸公所以稱道無悔者非 旅語 1110

跋尾跋諸巨公尺牘之尾也因諸公之重無悔 川不能 不敍其生平然家有名兄不能不聯

戴出之觀其下筆時與尺牘若不相涉收束一語全神皆動

七十五

壯 穛 愍到

公遺

壯 劉公未 胍 時凡三與賊遇始為常州無錫縣尉有梟賊劉鐵槍者起浙西轉擾諸郡: 捕盜官不

館 制公一 日霑醉夜歸適報鐵槍入境遂乘酒赴之與賊接戰手殺鐵槍及其徒五 人餘悉散走部

使者上其功改大理評事後知 果州 南 **充縣丁先太師憂解官東遠道出與州境** Ŀ. 過季 賊布 至旅

其行李發之惟文書百餘 帙布數匹賊魁詈: 其徒曰此窮官人何足劫公時在後。 聞 變勵 至。 目

陸。 之賊衆披靡俄發三矢輒斃三人餘遂遁去雍帥寇萊公表其事。 人留飲家屬先行復遇 劫。倒 劍。 詔遷官知瀘州後移倅 汝陰。 過安

稲 週故 盗 定 業 得 銀 方以公進擬眞宗曰是人爲郡守而止有。 釦 敗於齊 安徽县。 **瑜石帶**

殿可。 **贼於主有司以聞時陝西** 知也途除公行狀墓誌及國史本傳皆載無錫 。。 轉運 使員: (缺執政 事8 獨安陸一節遺而 不書8

公之子隰州 使君某與余會於京師嘗道公之遺事具以天禧中劄示余因論次之附於中劄之後。 及與 州 元站 王

史氏之缺云。

遺事 補傳誌傳之所不及安陸事以天語實之頌覺骨重神寒

法帖通解序

法帖 賜之其後不 築帖之人**尚於書成不復更加研考頗有僞蹟濫廁其間至於標題**次序乖錯逾甚士大夫以字蜚 有線於秘府者字皆華潤有肉神氣動人非如刻本之枯槁也蓋雖官帖亦其精粕耳又當時奉即 法帖盛行於世士大夫好事者又往往自為別本矣今可見者潭絳二郡劉丞相家淄 **劉御史次莊家宗將世章家凡六本雖有精粗然大抵皆官帖之苗裔也觀爲正字時見話帖** 小技莫有論次之者投荒索居無以解日輒以其灼然可考者疏記之疑者閼之名曰法帖通解云。 者太宗皇帝時遣使購摹前代法曹集爲十卷摹刻於板藏之禁中大臣初 復賜世號官帖故丞相劉公沈守長沙日以賜帖摹刻二本一置淵帑一竅於家自此 一登二府韶以一本 尙 書師 旦家。 墨崩。

獎章帝書

举長作元尚篇元始中揚雄作訓纂篇班固顧之無復字皆小學家也千字文者蓋擬諸篇而 遼浪釋辰宿一帖與嗣文也豈得為漢章帝之醬耶歐陽文忠以謂前世學書者已有此語不獨始 千字文者乃梁武帝得王羲之所書千字使周興嗣以韻次之時南平王偉令蕭子範亦製此 於羲之按漢武帝時司馬相如作凡將篙無復字元帝時黃門令史遊作急就矯成帝時將作大匠 衛巨山云漢與而有草書不知作者姓名至章帝時齊相杜度號善作篇是章帝時已有草 一書矣然 文。

小氏選評名家文集

七十八

总就篙之類尚有存者其詞高古讀之不問可知爲漢人之文與與嗣所作殊不類也文忠此說殆

不無可疑爾。

倉頡書

之小學家至秦焚燒典籍始用篆隸而古文滅矣漢武時魯共王壞孔子舊宅於壁中得尚督春秋 於伏羲或以爲始於倉頡蓋伏羲畫八卦則曹契巳兆至倉頡觀鳥迹則曹契遂詳始於伏羲而 於倉韻爾古者八歲入小學故周官保氏掌國子教之六書謂象形象事象意象聲轉注假借也謂於倉韻爾古者八歲入小學故周官保氏掌國子教之六書謂象形象事象意象聲轉注假借也謂 易曰上古結繩而治後世聖人易之以曹契百官以治萬民以察蓋取諸夬而說者或以爲皆契始

得鼎彝其銘則前代之古文皆自相似時王莽司空甄豐改定古文有謂古文奇字義皆佐皆繆粲 論 鳥 **書凡六體所謂古文者孔氏壁中書也魏初傳古文者有邯鄲淳衛覬嘗寫淳尚書後以示淳而** 語孝經時人以不復知有古文謂之科斗書又北平侯張斉獻春秋左氏傳郡 國亦往 往於 山 川

得竹曹十餘萬言案魏氏所出猶有髣髴古書亦數種其一卷論楚事者最爲工妙齊文思太子爲 雍州時盜發楚王冢亦得竹簡靑絲綸簡廣數分長二尺皮節如新有得十餘簡者王僧虔云是科

淳不別至正始中在三字不維轉失淳法因科斗之名途效其形太康元年汲縣人盜發翹襄王家。

斗曹記周官所闕文以此論之凡稱古文者皆倉頡遺法也古文雖非科斗書而世常謂之科斗者。 以其類科斗爾此帖題曰倉頡書而了不與科斗相類乃近大小二篆蓋可疑也。。

仲尼書

得親銘季子之墓又其字特大非古簡牘所容然則季子墓銘其真者猶疑非仲尼書又況依做爲 忠公謂孔子平生未嘗至吳以史記世家考之其歷聘諸侯南不逾楚推其歲月蹤跡未嘗過吳不 玄宗命般仲容摹搨其書以傳至大曆中蕭定又刻於石此小字者蓋後人依倣爲之者也歐陽文 **倡司寇仲尼曹渚吳季子慕銘也銘在季子慕上其字皆徑尺餘唐張從紳記云舊本湮滅開元中。**

史籍李斯書

成長安下邽人程邀得罪緊雲陽十年從獄中增減大篆去其繁複奏之始皇以爲善出邀爲御史。 高作爱歷篇太史令胡毋敬作博學篇皆取史籀大篆或頗省改是爲小篆是時天下多事篆字難 史籀者周宜王太史作大篆十五篇與古文時有同異先王之時天下之書同文及其衰也諸侯各 自為政而字畫之形亦異殊矣秦兼天下丞相李斯乃奏罷不合秦文者而斯作倉頡篙車府令趙

氏選評名家文集

八十

迩者惟岐陽石鼓文李斯之書惟秦山銘為填蹟二世銘嶧山之碑近世傳者出於徐常侍夏英公 漢碑存者皆隸字而程邈此帖乃是小楷觑其氣象豈敢途信以爲秦人書 家自唐封演已疑非真杜甫直謂野火焚棗木傳刻爾不知此謂史籀李斯二帖。 證 名其曹曰隸書凡奏事命隸人書之故又謂之佐書自爾泰嘗有大篆小篆刻符蟲睿隸皆等凡八 |焉倉頡发歷博學三篇至漢時閭里之師丼爲倉頡篙而籀文至建武時已六篇矣今稱史籀之 者何從得之也今

鍾繇書

十 恭云建安二十四年閏在何月集賢精於曆學以漢家所用四日 鍾繇賀捷表其後云建安二十四年閏月九日南蕃東武亭侯鍾繇上歐陽文忠公管問孫築賢思 月文忠以陳壽三國志考與集賢之言合然文忠考魏吳二志乃權以是歲閏十月方征關羽。 月獲之明年正月始傳首至洛陽鑓繇安得於閏十月先賀捷也由是疑此表為非與爲 **分乾象曆推之是歲已亥三曆**智 圈

懐素書

張又嘗見其一帖云漢時張芝言皆爲世所重非老僧莫入其體則懷素自謂抗張芝而過右軍矣。 懷素唐僧字歲眞此帖稱王右軍云吾眞書可比鍾繇而草故不減張芝僕以爲眞不如顧草不如

桓 元自謂右軍之流論者以比孔琳齊高帝謂 法。 世善皆者蓋嘗欲興右軍抗衡矣而每不爲公論 所許。 沈。 答曰。 非

其 臣 八果然歟歐 無二王 法亦恨二王無 陽文忠公嘗謂。 臣 法 帖者乃魏晉時人施於家人朋友其逸筆餘與初 前 非 用意自然 懷 素 可喜。

後人乃棄百事而以學書為事如一未至。 . 至 於終老駒年疲散精 神而 不以 為苦。 是與可 以數也懷索

之徒 是已文忠此 論。 可謂名言然天下之事畢竟亦何所有 孰為可學熟為不可學者 事。 iiio 自 爲之至於 古以藝目

通解自序言灼然可考者疏記之疑者闕之然考處甚精覈而疑處亦極有理 當 時 精 考據

者以劉賈父為最常笑歐九不讀書以集古錄歐公有言皆引貢父故貢父從而 輕之少游

與買父同時此數篇之文語語皆有根據然長公文字則未皆有此懷素寫末措語 神似

公則少游似又學歐公矣

普晉賢圖後

此 遊 **沓名晉賢圖有古衣冠十人惟一人舉杯欲飲其餘隱几** 杖策傾 題假寐讀書屬文了無霑節

林氏選評名家文集

八十二

之態。 龍 眠 李 叔 時 見 之。日。 此 醉客圖 也8 蓋 以唐寶蒙畫評有毛 惠遠醉客圖故以名之焉叔 時 善遊。

人所 取 信。 未 幾 轉 相 **摹**寫。 徧 於 都 下。 皆 百。 此 眞 郊客 圖 也8 非 叔 時 疇 館 辨之獨 譙 那張文潛。 與 余。以

爲不然此書 恋。 **晉賢燕居**。 之。 狀。 非 醉。 客。 也。 叔 時。 易。 其。名。 出奇以。 眩。 俗。 耳。 余舊 傳 問 江 南 有 一僧。 以 貲 得

度。 嘗 誦 經。 有 書 生 欲 苦之詣 僧 問 日。 上人 亦 普誦 經 否。僧 旨。 然。 日。 金 蒯 經 幾 卷。 僧 質 不 知。 卒為

所 困。 卽 誣 生 曰。 君今日 已醉% 不 復 可 部8 請俟 他 H% 書生 笑 而 去8 至夜僧從 鄰 房 問 知 卷數8 詰 且 生來8

僧 大 聲 日8 君今日 乃可 語 耳。 不 知 金剛 經 一卷 也。 生 日。 然 則 卷 有 幾分。 僧浩然 瞪 目 熟 視 日8 君又

懼 醉 邪8 叔 時 聞 以余與文質 者 莫不 絕倒今圖。 **野異** 論8 中。 耶。將。諸。圖以。公。 態。 則 余。二。 而 横。 人。 沈。 湎。 知昔所 傳。 好 古。博 聞。 爲不。 雅 認矣。 君 子。 雖 然。

· 妄。 登 評o 此。 畫0 時o 方 在。 酪。 酊o 亦 泊 字 二 人 孰 醉。將 朝。何。 常 解 也。 能o叔 辨。時 之。 者。

凡 負 大名者古 魯古 畫 經 其 審定 人 多 不 敢 異 議 龍 眠 精 於畫 而 叉 博 雅 未 必 無 見而 然 少

遊 但 以圖中人 狀 態 次共非 醉 én 由醉字生 出波瀾 至以鈍僧 比 龍 眠 書生 自喩 由 费 中被

寃之客跌落文潛及己妙語橫生 又將 龍眠擡高忽又疑他評畫時亦是醉語將 一醉字弄

玩 如宜僚之九隨心高下填聰 明 染於極 地

書關亭敍後

蘭亭者晉右將軍會稽內使瑯琊王羲之逸少所書詩序也右軍以穆帝永和九年三月三日與太 書凡二十八行三百二十四字字有重者皆構別體而之字最多至二十許字他日更書數十本終 林及其子疑之徼之操之等四十有一人修祓禊於山陰之蘭亭酒酣賦詩製序用蠶繭紙鼠鬚筇 之固稱洊經喪亂亡失不知所在後遺監察御史蕭翼微服爲曹生以詭辨才始得之命供奉搨斟。 俗姓袁梁司空昂之玄孫唐貞觀中太宗銳意學二王書帖摹捐殆盡惟未得蘭亭凡三召辨才詩 無及者右軍亦自愛重留付子孫至七代孫智永爲比邱俗呼永禪師永卒傳其書於弟子辨才才 原孫統丞公孫綽與公廣漢王彬之道生陳郡謝安安石高平郊曇重熙太原王蘊叔仁釋支遁道 人趙模韓道政馮承素諸葛貞等四人各榻數本以賜皇太子諸王近臣貞觀二十三年高宗奉遺。

此特一段蘭亭之補註無甚意味

詔以蘭亭入昭陵惟趙模等所捐者傳於世事見何延之蘭亭記。

上呂晦叔曹

五月日進士秦觀謹再拜獻書知府大資閣下觀聞天下之功成於器識來世之名立於學術古之

林氏透許名家文集

以道 事君不可則。 止未始有意於功名然其器識學術博大而 精微。 則功名路然與 時 自 至歸

欲 闭 固 拒。 揮而 去之不可得也昔淡昭宜之情雹光 以 宿 衛之臣任漢室之寄大器將 倾。 徐 思 丽

正 之神 色不變此 其器證實有以過人者然操持國 柄。 不知消息盈 虛之運身死肉未 及寒 而

滅矣則學術不明之弊也其後順桓之間。 李固以一 時名儒位居三事。 扼姦臣· ini | 奪其氣。 此 其

學 術8 眞有古之遺風然易舉輕發不能定 · 大計於無形至爭以口舌申之睯腦事固不 就。 身亦 随之

喪焉則器識不宏之弊也非特二子爲如此大抵西漢之士器識優於學術故多成功而名不足束。

漢。 之士學術優於器證故多令名而功不成夫君子以器爲車以證爲馬學術。。。。。。。。。。。。。。。 者所以御之耳。 西漢

之士如環人之車駕以駃騠驅通道上峻阪無所不可然而日暮途遠倒行逆施者有焉東漠之士。

如泰 豆氏持策攬轡圓旋中規方折中矩然而車敝馬羸轉薄於險阻之間。 歷世豪傑之士又以默觀當今之時而搢紳先生有告觀者以謂器足以任天下之重。 测固已:) 敗矣觀狂妄當

足 以 致 無窮之遠學足以探天人之蹟術足以偶 事物之變如古之所謂大臣非閣下不足以與

說。推

論

此。 起。 又曰。 遂欲身從服 役之後求備掃灑之列而困於無介紹莫獲自通籍伏淮海抱區區之願缺 如元氣行乎渾茫之中其發爲風霆雨露者特糟粕耳某時方食聞之投七箸

遺士觀雖不能廉小謹曲以自託於鄉閭然古人所以處廢奧而擇去就者竊嘗諱其一二矣僞閣 在異卷贄諸下執事又述其願見之說為書先焉夫大冶無寒金大陶無寒土江海不卻水王侯不 厭者有年矣比者天幸閤下來守是邦而觀邱慕之邑質隸麾下是以輒忘賤陋取其不腆之文餘 下不賜拒絕而辱收之請繼此以進于冒台嚴俯伏待命不宜。

此亦干人之書才士之所不免然論東西漢之士眞識高於頂

謝王學士音

神勞筋力不能自休已者十年於茲矣然志大而才不揜事左而身益困每觀今時偶變投隙之士。 所載簡牘所存不見則已苟有見焉未嘗不熟誦其文精覈其義縱觀其形勢而私掇其英華敞精 操數寸之管書方尺之紙無不拾取靑紫爲宗族榮耀而己獨碌碌抱不售之器以自濱於飢寒鄉 史院學士閤下觀愚不自揆竊嘗以謂衣冠而稱士者宜有以異於流俗而以古人自期故凡方册 軍借 人假其愚而笑之干祿少年至指以為戒雖觀亦自疑焉因計曰劍工之惑劍劍之似莫那者惟欧 名其種玉工之眩玉玉之似碧盧者惟猗頓不失其情夫宗工碩儒亦後進之歐冶猗頓也何 見以質其胸中之疑乎於是試取其所爲文投執事而諧公見之乃大稱借以爲非世俗之

氏選評名家交集

所 知復激勸之使卒其業故前避諸公在東南者多得與之遊焉然觀之私意尚有所不滿者獨以

未見閣下也前日復衣食所迫求試有司遂得進謁左右屬賓客盛集不獲薦其區區方謀繼見而

閣下固已得其鄙文於從遊之間伏蒙猥賜薦寵以爲可教亦如諸公所云觀於是自決不疑益知

前志之不認俗議之不足如而古人爲可信也古之人有立行著書而舉世莫或知者猶業之如故。

以俟後之君子。况不至於是者耶天不爲人惡寒而輟其冬地不爲人惡險而易其廣君子不以小以俟後之君子。

人之匈匈而易其行觀雖不肖竊誦此久矣自擯棄以來尤自刻勵深居簡出幾不與世 人相通。 獨

念昨出都時會閤下在告私懷惓惓有所未畢適有西行之便故復略而陳之幷以近所爲詩文合

七篇獻諸執事伏惟閤下道德文章爲一時君子之所望鄙陋之迹固巳獲進於前日矣宜 更賜指

教水導而木植之使駑驂蹇服知所趨向不繆於先進之迹亦君子樂育人材之義也惟深賜憐察。

平甚幸甚。

語頗歷落有致

謝
曾
子
開
書

史院學士閤下觀不肖稱伏下風之日久矣顧受怪鄙陋又學習迂闊凡所辛苦而僅有之者率不

夫聞 大帶求試於有司殆五六千人學宮儒館以教育自任者無慮百數其因綠親故以爲介紹談說: 世 者莫不竊足 合。以 故分廿委棄不敢輒款於搢紳之門比者不意閣下於遊從之間得鄙文而 疑私怪以為故嘗服 役於左右而觀未嘗一望閣下之履鳥也。 竊觀今之士子。 數稱之士大 、搬冠

德以為贄獻善詞令以干謁者俛理色以叩闇人冒汙忍恥僥倖人之已知者迹相仍袂相剧。 也。

而 得善遇 一者十無五六與之進而教誨者十無二三至於許之以國士之風借之以齒牙餘論者蓋

百無一二焉其售愈急其價愈輕亦其勢之然也觀與閤下非有父兄之契姻黨鄉縣之舊介紹不

傳曰。 先贄納不前謁者未嘗知名閼人莫識其面而閤下獨見其骫骳之文以爲可敎因曲 [鳴聲相] 應仇. 偶相從人由意合物以類同嗚呼閣下之知觀觀之受知於閣下 可謂 推而過 無 他 與之。 平今

之人矣前日 H 嘗 進 謁 於 執 事屬迫東西 下不獲職見以盡 所欲 言旋觸聞罷途 無 入都 之期態 居 開

處。獨 念無以 謝盛意之萬一輒因 西行之便略陳固陋幷近所為詩賦文記合七篇獻諸 7 執 事。

惟閣下四 書使晚節末路獲列於士君子之林則觀與閣下非特無愧於今之人又將無愧於古之人 既推借之於其始宜成就之於其終數灌溉以茂其本根削垢翳以發其光明。 不 間 疎 賤。 而

有云烹牛而不鹽敗所爲也此言雖小可以喻大惟閣下裁之。

林氏選評名家文集

八十七

推 游 纨 選

文质 自 占身 分

喬 希 噩 論 黄 連 書

觀 比 聞公以限力 疾 餌 黄 **運至數十兩稻不** 已不 知果然否審如所聞殆不可 也。 觀頃年血氣 未 定。

好方 術之說讀醫經數年嘗記釋者云服黃連苦參久而反熱甚以爲不然後乃信 之蓋五 **味入** 胃。

則 各 歸 爲 其所 清。 入 腎則 喜故酸先歸肝苦先歸心廿先歸脾辛先歸肺鹹先歸腎入肝 爲寒入 脾 则 《為至陰而》 血氣彙之皆謂 增 其氣不已則臟氣 則爲溫入心則 有 所偏 勝有所見 爲熱。 偏 游。 入 肺 则

必 有 所 偏 絕黃連苦參性雖大寒然其 味 至苦。 入胃 則 先 歸 於心。 **人而** 深已則[°] 心火之氣 游。 火 勝 则

熱。 乃 其 理 也。 腿 疾之生本於肝 之熟。 與 心 為子母夫心為子肝為母心火也肝 亦火 也。 腎 孤殿 也。

嘗 思一 矣。 水不 夫樂所 勝二火今病本 以回 療の 疾o 其 過e 於肝。 也適所以 而 人 餌 為。 苦藥使心有所 疾o 時。 偏 游。 是所 調 七八。 以火 救火。 八命之日 樂旗 益 飲食。 老。 其

聞

比

初

作

十

已損

共

、正當節

韼

以 俟 其 自 平。 非 如 决 疣 潰 避。 可 以 忽 然 朝去 也。 辄 具 以 進。 惟 留 意 而 聽 之。無 忽。

不可

亦

明

藥 所 療 疾其 八過適所 以為 族的 是名言

與 鮮 于 學 士書

昨蒙左右不以觀之不肖猥賜論薦以備著述之科假借過當伏墳悚懼觀重惟結髮以來明公以 先人之故比諸子弟而教誨之受性狂妄動輒悔尤常恐一旦崇屏絕則內傷先人之聞上負門下

之義死不瞑目敢圖始終假借以及於此賜非望始榮幸寶深論報無綠愧慍茲甚韓退之與陳給

事曹云始之以日隔之疏加之以不專之望以不與者之心而聽忌者之說閤下之門由是無愈之

紹有候門牆希望明公一題者肩相廢跡相接也觀以聲聞過情深為同進所忌閉關卻擋雖惡日 跡矣觀之去門下於今七年明公自留臺奉使京東入爲九列進拜諫議大夫供奉仗內士因綠介

聞然則明公之門宜其無觀之迹矣而詔書比下明公首以慰充數乃知君子之所爲自有常度登。

相從養親讀書之計極爲安便但創置之官居處什物之類百色皆無自供職已來干乞營辯殆無 以顯晦數疎而易其意哉汝南雖常孔道人事絕少風氣和平魚稻蔬果不減於淮海士子亦樂於

須臾之閑久不獲進左右之問綠此故也伏望垂悉幸甚。

行文有激昂之氣

龍井記

龍井舊名龍別距錢塘十里吳赤烏中方士葛洪管鍊丹於此事見圖記其地當西湖之西湖江之

八十九

北。 風篁嶺之上實深山亂 石之中泉也每歲 早禱 雨於他 洞。不 獲則腐 於此其廢 **辄應故** 相傳 以為

有 乏所 龍 居 心之然泉者 依憑。 漫衍 山之精氣所 而 不 迫紆餘 發也。 以 成文陰晴之中各有奇 西湖 深觀空闊納光景 態。 而 而 不可 涃 煙霏菱夾荷花之所 以言蟲 也。故 岸湖之山多為所 附 麗。 龜 魚鳥

誘● mo 不。 克以為 泉。 湖江 **介於吳越之間一畫一夜濤頭自** 海 丽 上者 再。 疾聚一 而 遠 馳。 兜 虎 駭 丽 風

怒。 者 摧。 當者壞。 乘高 而 ||望之使人| 毛髮盡立心掉 而 不禁故岸江之山 3多為所脅而了 不暇以爲泉

泉8 惟 龍 此 井。 地 其。 蟠 尤。 幽 者。 丽 踞 也。 阻。 夫蓄之深者發之遠其養也不苟。 内無 雅曼之誘以散越其精 。 外 無豪悍 則 共 施 之脅以 也 無窮。 虧疎 龍 并 其氣。 之德8 放嶺之· 蓋 有 至 左右。 於 是 者。 大率 则 其 3

爲. 神 物 之託 也。 亦 奚疑哉 元豐二 年。辨 才 法 師元 淨。 自 天竺謝 講事。 退休 於此 山 之壽 聖 院院 去 龍

徒。 井 里。 山. 法。 中之 入有事 **呪之。** 於錢塘。 與 遊 客之將 龍者。 至壽 聖 著皆取 魚自 道 并 旁。 出。 法 師 乃 焉。 卽 共 處 為亭。 文率其

不 而 其名 由 此 益 大 聞 於時。 是歲 余自 淮 南。 如 越 省 親。 過 餞 塘。 訪 法 師 於 山 中。 独 師 策杖。 送 余於

以

浮

屠

璟

而

|庶幾有

慰夫所謂

俄

有

大

泉中

躍

觀

者

異

然後

知

井

之有

龍

嶺之上。 指 龍 井口。 此泉之德 至 主矣美如 西湖。 不能 経之使 遷8 壯 如 制 江。 不 能 威之 使屈。 受天 地

之中資陰陽之和。 以養其源。 推其緒餘以澤於萬物。 雖古有道之士又何以加 於此。 盍寫我記之余

不克不暇均無着落不克為泉者人誘於西湖之明媚不留意於泉所以不克不暇為泉省 此文挾有奇思施以壯采不克以爲泉奇矣不克以爲泉乃更奇然無一 人脅於江潮之澎湃不重視於泉所以不暇用思之刻深大是聰明人吐屬 誘字無 脅字則

閒軒記

善射8 建安之北有山歸然與州治相直曰北山山之南有澗澗之南有橫阜背山 穴兮虜其子破千金兮購奇服撫劍馬兮氣橫出山之中兮歲將闌木樛枝兮水驚湍鷹隼聲 屋 |數十楹則東海徐君大正燕居之地也其名曰閒軒去軒數十里有田可以給饘粥供絲麻賓娟 雲爲雨兮水爲濱時不淹兮難驟得念夫君兮武且力矢奔星兮弧挽月夜參半兮投袂起。 分猿狖之居廁麋鹿之游竊爲君不取也乃爲詞以招之曰山之雲兮油然作水循泐兮號不 、慷慨有氣略天下奇男子也夫以精悍之姿遇休明之時齒髮未衰足以任事而欲就閒嗾處。 之用取具君將歸而老焉而求記於高郵秦觀觀曰士累於進退久矣弁冕端委於廟堂之上 而不知歸懷莽蒼而個橫淸冷而漁者閉距而不肯試二者皆有累焉君雖少舉進士 而面阜據澗之北濱有 而便馬 探虎 今蛟

林氏選評名家文集

九十二

觟 蟠。 熊 咆 虎嘯 兮天為寒四無人兮雅與言齊君車兮秣君馬軒之中兮不可以久閒。

文有奇氣

芝室記

於殯 河 彭 N's 性 撫 異 星。 洞。 所。 弱。 城君。 於 金石 也。 南 實 而 歎 侧。 凡 無 **今芝亦草** 珠 張倪老旣以其父宜義君命奉其母彭城君之喪殯於廣陵石塔佛舍途與其弟曼老沖老廢 草。理 數月有芝生於廬中余聞 承其 草木 鑑 日。 未。 天下之物 之有 毫可 易詰其所以然者歟 之屬。 先夫 固然矣其又 耳。 影 得 像。 凡 而 人 /之 之 込 。 悦。 固有未易詰其所以然者失濡 江 學士大夫 有。 海 可。 惟 奚疑若 於吾心意者皆善。 之有 其覺真。 五 日 有 浪 之家則生賢諸侯之國則生明天子之世則生徙之不可谐之不能 m 温。 浮屠 蔽 夫善惡畢寂情想究空芝於此時瑞爲 以 而謁觀焉蓋附土 於塵 毀 形 固 聞 死。 具 幻。 諸 而 想之所變而於 存。 笑之曰是不然天下之物皆吾心也心之本體。 子廬 由是清激 非其 於強 雨露而生 本矣故 M 出者數· 侧。 M 僧° 刺 升 八者爲想濁 惡於吾 無 血 X本其色正式 一被霜 窮 書 經。 如 耳。 哀動 虚 雪而死下荄而· 空有 目。 汚 何物已 赤澤而 者。 道 而 **墮者為情。** 省惡。 路。 物 善 如 而 倩。 堅悍若傅鬆形命 天 想 上夏者。 **| | | | |**| 之。 交 地。 发 夫情 成。 室 生。 遬 草之常 爲 110 想 日 11)] 生之。 吾川 之於 白 月 容 31.

除而歸廣陵士大夫因號其廬曰芝室懼來者之不知也而屬余爲記余旣論次其事遂追疏浮屠 館以告子矣余未嘗讀佛書固不知所論中否然竊怪其語宏博褒奇有足觀者明年張氏兄弟服 之語。而幷載之倪老名康伯以召試中選今為南郡教授曼老名節孫前參海陵軍冲老名康道云。

浮屠之言蓋謂心自心物自物所謂善想者以芝生適在廬墓之時芝本無情而自廬墓之 即以為此惡情之威召也所謂天下之物皆吾心者蓋謂祥與不祥皆心造也果善惡畢寂 善想者觸之即據以爲瑞由己生耳譬如爲不善者已蓄惡情果有不詳之物適當其前 情想究空則芝瑞亦復何有此卽莊子彼是俱忘之義也少遊湛深佛理能敍僧言安有不 知不過不欲將產芝之瑞應當面抹殺耳自是行文應有之例

送錢秀才序

就笑語終日去或途與俱出遨遊飲食而歸或闕然不見至數狹日莫卜所詣大衢支徑卒相 絕淮 輒嫚罵索酒不肯已因登樓縱飲狂醉各馳驢去亦不相辭謝異日復然率以爲常至秋余先浮汴 去年夏余始與錢節遇於京師一見握手相狎侮不顧忌諱如平生故人余所泊第節 以歸後踰月而節亦出都矣於是復會於高郵高郵余鄉也而邑个適節之僚壻爲留數十日。 敗反輒 觀淨

林氏選許名家文集

不忍遠絕下 **余**既 以所 學迂闊不售於世鄉人多笑之恥與遊 人參客 兄弟。 而余亦不願見心因閉 行已節 門却掃。 日以文史 自娱其

而 時過之者惟道 東 海徐子思 數人 節 毎 夜

焉循陋悲款· 小扉叱奴使通即 自褫帶坐南軒下余出 見之相 相與論詩書講字畫茗飲奕棋或而已節聞而心幕之數人者來節 或 至

艾。 絕 П 未 嘗 言及曩 時事也於是余始· 冷節能同**个 余弛**碳 而節 亦浸 知余8 非脂 常 汨沒之人矣。

客聞 而笑之曰子二人者昔日! 浩 歌劇飲。 白 服 視 禮 法 士。 燕費十餘萬錢何縱也今 · 者室 居 而

庾

出非澹泊之事不 治掩抑若處子又何拘 心心罔兩問景日 日襲子坐今子起襲子行今子 止。 何 其 無 特

操敷。 子二人之謂矣余 逢日吾二人 者信景也宜乎子之問也當爲若 語其儿。 夫思慮可以求索。 視

聽可以聞見而操履可以逮及者皆物也歌酒之娛文字之樂等物 而已矣顧 何足以殊 觀哉流 父

滄浪之水淸兮可以濯我纓滄浪之水濁兮可以濯 我足夫淸濁因水而 不在物拘縱因時而

己余病弗能久矣不意偶似之也而復何苦竊竊 焉隨余而隘之哉客無以應。 一日節 日。 我 補

官嘉 禾今期至當行矣盡有詩以爲送乎比懶賦詩又重逆其 意因敍遊從本末之迹幷以解嘲之

焉節吳越文穆王之苗裔翰林之孫起居之子倜儻好事有父祖風云。

味使才行文頗乏靜氣

送馮梓州序

變而古所言高平公七事皆無狀附置以聞執政殊失望會史籍有異詞詔遺韓晉卿覆治執政因。 明應詔卽日除陝西路提點刑獄公事觀嘗問於滕公曰馮侯何如人公曰有守君子也想曰何以 上即 籍古皆得罪而高平公獨免執政大不快未幾高平公復為鄰帥所奏謫守信陽。 言范純仁事亦恐治未竟願令晉卿盡覆神宗曰范純仁事巳明白勿復治也獄具如馮侯章。 怒慶帥甚君其愼之馮侯曰上意亦無他因誦所聞德音執政不悅及考按連遠熟羌之獄實不可 然范純仁爲時名卿宜審治所以遺吏者政恐有差誤耳卽賜緋衣銀魚馮侯拜賜出執政謂曰上 惡之者欲中以危法久矣此獄之起人皆爲懼及馮侯召對神宗曰帥臣不法萬一有之恐誤邊事。 知之公曰昔高平范公之帥環慶也環將种古以寧守史無變其熟羌獄上書訟冤且言高平 法 亦竟罷去繇是言之非有守君子而何觀曰如公所云殆古之遺直也豈特良部使者 者七事朝廷疑之卽寧州置獄而馮侯以御史推直實奉詔往訊是時高平公坐言事去執政有 馮侯自尚書郎出守梓潼加集賢校理實始相識質其事信然嗚乎古語有之人能勝天天定 位之明年有詔侍從之官各舉部使者二人故龍圖閣直學士滕公與二三耆老皆以馮侯叔 而馮侯失用 而 巴哉後 事 於是 者

氏選評名家文集

九十

亦能勝人信斯言也方高平公被誣上有明天子之無私下有良使者之不撓可以免矣而二三子

表裏為奸始終巧請至於抵罪而後已可不謂人能勝天乎然常時所謂用事之臣與諸附麗之者。

今日屈指數之幾人爲能無恙而高平公方以故相之重保釐西洛郊馮侯亦通籍儒館持節鄉郡。

佛寺又將屬賦詩而觀以拙陋所欲言者不能盡之於詩乃以舊聞弁以管所咸歎者爲序贈之。 其福祿壽考功業未艾也可不謂天定亦能勝人乎馮侯將行同舍之士二十有八人餞飲於慈孝

此文岩出之歐公必吞咽不肯吐露如此

九十六

秦觀字少游一字太虛揚州高郵人少豪雋慷慨盗於文詞舉進士不中強志盛氣好大而 見奇諒

兵家曹與已意合見蘇軾於徐為賦黃樓軾以為有屈朱才又介其詩於王安石安石亦謂: 淸 新似

飽謝軾勉以應舉爲親養始登第調定海主簿蔡州教授元祐初軾以賢良方正薦於朝除· 太學博

士梭正秘書省書籍遷正字而復為兼國史院編脩官上日有硯墨器幣之賜紹聖初坐黨籍。 出通

判杭 州以御史劉拯論其增損實錄貶監處州酒稅使者承風望指候伺過失旣而 無所得則 以謁

告寫佛書爲罪削秩徙郴州繼編管橫州又徙雷州徽宗立復宣德郎放還至藤州出游華光寺爲

客道夢中長短句索水欲飲水至笑視之而卒先自作挽詞其語哀甚讀者悲傷之年五十三有文

集四十卷觀長於議論文麗而 思深及死軾聞之歎曰少游不幸死道路哀哉世豈復有斯人乎弟。

親字少章親字少儀皆能文。

林氏選評名家文集 附錄

輸 出 社 扶 版 或 園

務 商 發 書 館 即

淡水亭雜 棗林雜 今古 **清賢記** 殘明 樓 叢書序跋 禮耕堂義說 知聖 儒 東 橋 白霜 陳 釣礙立談 林宗派 西 一齋詩集 嶽 紅 紀事 學 童龍 雜 詩詩 記 集 俎 話、鈔 繙 記

二册 方册 黄白 黄连 史 一册 黄連 史 册册册册 册 册 黄白黄白黄白 連 連 連 史 史 史 史 大七八四五四五 册 册 册 册 所首白黄白黄白 連 連 史 史 册 册 册 黄連史二

元(1015)

中 即 發 選 分 總 華 發 尺 刷 行 評 团 行 千三、 毎 名林 所 者 所 者 處 年 家文選 册定價大洋貳角伍分) 八 埠酌加運 月 集評 初 商海 商 閩 淮 版 海集一 務 務河 務 縣 棋 南 安開保 **受封定** 印路 印 册 燕鄭奉 湖州天 林 酱 中 館路 館 紓 館市

三七九三分

